


بلوچی

۴ صنف





مليين سرود

دا عزت د هر افغان دی	دا وطن افغانستان دی
هر بچی یې قهرمان دی	کور د سولې کور د تورې
د بلوڅو د ازبکو	دا وطن د ټولو کور دی
د ترکمنو د تاجکو	د پښتون او هزاره وو
پامیریان، نورستانیان	ورسره عرب، گوجر دي
هم ایماق، هم پشه یان	براهوي دي، قزلباش دي
لکه لمر پر شنه آسمان	دا هېواد به تل ځلېږي
لکه زړه وي جاویدان	په سینه کې د آسیا به
وایو الله اکبر وایو الله اکبر	نوم د حق مودی رهبر

بِسْمِ اللَّهِ الرَّحْمَنِ الرَّحِيمِ



بلوچی

چارم صنف

چاپی سال: هـ. ش. ۱۳۹۹

کتابی درستی کنگ

مضمون: بلوچیی زوان

نویسوک: تعلیمین نصابی بلوچیی بهری نویسوکین ډل.

ایدت کڼوک: بلوچیی زوانی در سین کتابانی نویسوکین ډل.

صنف: چارم

متنی زوان: بلوچی

دیمری دیوک: تعلیمین نصابی دیمری و درسیین کتابانی لیکگی مزین ریاست.

شینگ کڼوک: معارفی وزارتی عامه ین آگاهی و ارتباطی ریاست.

چاپی سال: هجری شمسی ۱۳۹۹

ایمیل آدرس: curriculum@moe.gov.af

درسیین کتابانی چاپ، بهر وبها کنگی حک په افغانستانی اسلامیین جمهوریی معارفی وزارت

ساتگنت. به بازارا زیتن و بها کنگش منع انت گون خلافان قانونیین سلوکی بیت.

معارفی وزیر پیغام

اقرا با سم ربك

پاكين خالقى با زين حمد و ستا كه اماره هستى دات و وتن و نمشته كرتنى مزين نعمتى واوند كرت و بازين درود په خاتم رسول حضرت محمد مصطفى ﷺ كه خداوند ﷻ لى اولى پيغام په آيى (وتن) انت. چوكه په درستان روش و درانت. هجرى شمسي ۱۳۹۷ سال به معارفى سالى ناما نام گپتگ بوت. پميشا به امى و طنا به تعليم ورو د ينگى نظامى جتاجتايين بهران بازين بنياديين بدل بوگى كيت: معلم، وانديگ، كتاب، مكتب، اداره و ماس و پسانى شورا افغانستانى معارفى شش بنياديين بهرزانتگه بنت كه به وطنى تعليم ورودينكى و د وديمرىيا مزين تاثيرى دارنت. به انچين قسمت جوړ كنوكين و هدى، افغانستانى معارفى رهدربري مزين خانواده تعهد كرته كه به وطنى تعليم ورودينكى انونين نظامى و د وديمرىيا بنياديين بدل بوگى بياريت.

شه همى روگها تعليمين نصايى اصلاح وديمرىي شه معارفى وزارتى سرى كاران انت. به اى بهرا تعليمين نصايى اصلاح وديمرىي، كتابانى مزند و محتواى گهپودى و به مكاتب و مدرسه ان، سركارى و خصوصيين بنيادان درسيين كتابانى رسيستن و بهركرتن به معارفى وزارتى پروگرامانى اولسرا جاه داريت. اما باوردان، اگه كتاب جوانين كيفيتى داشتگ مه بنت، وطنى تعليمين سك و پرواكين مخسدانا به دستا آورتگه نه كن.

په يات بوتگين مخسدانى به دستا آورتن و يك كارين هيل زورگين نظامى رسگا شه مچين وطنى دلسو چين معلم و مدرس و زانگ و كمالي واوندين مديران كه آيوكين نسلى رودينوك انت، په عزتداريه لوتين كه په اى درسيين كتابى هيل داتن و آيى مزند و محتواى رسيستنا به امى عزيزين فرزندان شه هررازي كوشستى پدا مه كنزنت و به كارى و سرپدين نسلى تعليم ورودينكا گون دينى و ملين ارزشتان گون ايراد گروكين فكرى كوشست بكننت. هر روچ سر تعهد و ذمه واريى منگى نوک كرتنا گون اى نيتاسبخ داتنا بناكننت كه به زوتين آيوكى عزيزين و انديگ، تاثير دارين رودينتك بوتگين شهروند و آبات و ديما شتگين افغانستانى جوړكنوك بنت.

همى رازشه عزيز و دوستين وانديگان كه وطنى باندى روچى پرارزشين بيه و سرمايه انت لوتين كه رساكا مه شموشت و په باز ادب و احترام گون علميين پټ و پولى شه عزيزين معلماني سبخا په جوانى كټ بزورنت ووتى عزتمندين معلمى زانگ و علمى اوشگ چين بنت.

گلپسرا شه وطنى هيل ديوكين كارزانتان، تعليم ورودينكى دانديگان و تعليمين نصايى فنين بهري همكاران كه په اى درسيين كتابى بريركرتنا شپ و روچ كوشست كرتگش قدر كرتو وشه مزين خالقى دربارا په آوان به اى پاك و انسان جوړ كنوكين راها سوب و كاميابيه لوتين.

به يك معيارى و ديماشتكين معارفى نظامى دسترسى و آبات و ديماشتكين افغانستانى رسگى اوميتا كه سرپد، آزات و آسوده حالين شهروندانى واوند بيت.

دكتور محمد ميرويس بلخى

معارفى وزير

دیم	سرگال	اشمار
۱	حمد	۱
۲	حضرت محمد ﷺ	۲
۶	امی وطن	۳
۱۰	دنتانانی ساتن	۴
۱۴	فرخی سیستانی	۵
۱۸	په حیوانان رحم	۶
۲۲	زمستان	۷
۲۶	عبدالرحمن "پهوال"	۸
۳۰	نیالی نادینتی کټ	۹
۳۴	متل و گالوار	۱۰
۳۸	آسمانک	۱۱
۴۲	پنت	۱۲
۴۶	ماهی	۱۳
۵۰	پرخطرین گوازی	۱۴
۵۴	گسویی و گیابانین حیوان	۱۵
۵۸	آزاتی	۱۶
۶۲	زیرگ	۱۷
۶۶	سول و نیک بختی	۱۸
۷۰	پاکین آپ	۱۹
۷۴	بشری حک	۲۰

دیم	سرگال	اشمار
۷۸	جوانین همراه	۲۱
۸۲	حرامه نه مانیت	۲۲
۸۶	شه پسا کاگدی	۲۳
۹۰	کشت و کشار	۲۴
۹۴	تیر ماهی موسم	۲۵
۹۸	هوایین ترانسپورت	۲۶
۱۰۲	ماسیین زوان	۲۷
۱۰۶	مخدرین چیز	۲۸
۱۱۰	بزانت بلد	۲۹
۱۱۵	معارفی ترانه	۳۰

حمد

خداوندا توئی و اوند جهانی

ډگار و ماه و روچ و آسمانی

شری دار کس نه انت تی حکمتانی

حقیقتاً تو ی یک ویگانی

کنین باور سدک دل ما

که انت مرک و میران زنده جانی

خداوندا توئی و اوند جهانی

ډگار و ماه و روچ و آسمانی

بگرربی مدام شکراتو عابد

که اچ پاکین رسولی اُمتانی

(عابد)

عزیزین واننده گان!

برزگی حمدا به وتی کتابچهان بلکت وشه بر بکنت.

حضرت محمد ﷺ

مخسد: وانندگ بواننت و بلکنت. حضرت محمد ﷺ درست کنت. و گون پیغمبری
نیکین اخلاق و برزین صفتان درستی بنت. به پیغمبر ﷺ رسالتا گیشتر سدک و باور
ودی بکنت.



جست:

۱. ای عکسی باروا چیه زانت؟
۲. حضرت محمد ﷺ به چنت سالگیا به پیغمبر یا رست؟
۳. گشگه کنت که حضرت محمد ﷺ به چنت سالگیا زوال بوت؟

حضرت محمد ﷺ جهانی مسلمانانی راه نشان دیوک و رهبرانت. پیغمبر ﷺ به مکه
مکرمی شارا و دی بوت. دیماشه آیی و دی بوتنایسی عبدالله عبدالمطلبی زاگ زوال بوت
و آیرا آیی ماس بی بی آمنه و پیروک عبدالمطلب ساتنت. و هدی که شش سالگیا
رست ماسی هم زوال بوت. به هشت سالگیا پیروکی شه دنیاشت، شه آیی و پدآیی ناکو
ابوطالب آیی سرپرست بوت.

حضرت محمد ﷺ به ۱۲ سالگیا کارابنا کرت که شه وتی کاری بروکتا هم وتی خرچا
بربروهم گون وتی ناکو کمک بکنت. حضرت محمد ﷺ شه بازین راستکاری و

دلسوچی که په خواروبی وسان داشت به محمد امین ناما نام و توارودی کرت به ۲۵ سالگیا گون بی بی خدیجه که جنوزامین جنین زاگی ات گس کرت. حضرت محمد ﷺ یکن خالقا پرست و شه مکئی مردمان که بُت پرست اتنت دوریه کرت.

پیغمبر ﷺ به چهل سالگیا به پیغمبریا رست. خدا ﷻ گون قرآن مجیدی دیم داتنا په وتی عزیزین رسولا به ۲۳ سالا اسلامی پاکین دینا پوره کرت. حضرت محمد ﷺ مردما شه بت پرستیا منع کرت. مکئی مردم آیی هبرانانه منتت آیرا جورینتت ولوتنتت آمبارکا بکشتت. حضرت محمد ﷺ اړ بوت شه مکه به مدینه هجرت بکنت. پیغمبر «ص» هجرت به اسلامی تاریخا باز کدر داریت و مسلمانانی تاریخی بناء انت. که شه آء روچا تانوان ۱۴ پیری گوستگیت.

حضرت محمد ﷺ به ۶۳ سالگیا زوال بوت و به مدینه منوره به حاکا اشتگ بوت.

عزیزین واندن گان!

- ای سبخی نوکین گالانا سیایگ بکنت.
- دو واندگ په رون نوکین سبخابوانیت.
- سی ډل بیت و هرډلی واندگ گون وت په حضرت محمد ﷺ هجرتی سببی باروا به مدینه منوره هبربدیت.
- جُستانی پسوا ودی بکنت
- ۱. مسلمانانی تاریخی بناشه چیاگپتگ بوته؟
- ۲. شه هجرتی و هدااتا انون چنت پیری(قرن) گوسته؟

- سئ وانندگ په رون ای سبخی یک یک باره په برزین توارى بوانیت.
- جالگی جملانی اورکین جاگها ناگون ای گالان که به مروچین سبخاوانتت په ډول و په شری پرکنت.

به مکه مکرمی

عبداله

۱۲ سالگیا

ناکوا

شش سالگیا

ماسی

- حضرت محمد ﷺ _____ شا را ودى بوت.
- دیماشه آیى ودى بوتناپسى _____ عبدالمطلبى زاگ زوال بوت.
- وهدى که _____ رست _____ هم زوال بوت
- حضرت محمد ﷺ _____ کارابنا کرت که شه وتى کارى بر و کتبا هم وتى خرچا بریر و هم گون وتى _____ کمک بکنت.
- سئ وانندگ په رون په برزین توارى په ایشی که خدا ﷻ به چنت سالا اسلامى پاکین دینا گون قرآن مجیدى دیم داتنا په حضرت محمد ﷺ پوره کرت بگشت.

گسویین کار:

شما مچین هما واقعا که به حضرت محمد ﷺ ۴۰ سالگی و ۶۳ سالگیا دپ وارته شه سبخى دیم مالوم و به وتى کتابچهان بلکت.

چیزیکه انون گشتگه بیت په جوانی بشکنت ورندا جُستانی پسوابگشت.

جُست:

- ۱- گجام دلاجاندومی آچش نه سوچیت؟
- ۲- دوستی گون پیغمبر ﷺ چونین دوستی انت؟
- ۳- دوستی گون پیغمبر ﷺ انسانا به کیه رسینیت؟
- ۴- چی سببه بیت که پیغمبر ﷺ امی شفاعتا بکنت؟
- ۵- چی سببه بیت که انسان وتی فرضانا اداوشه گناهان دوری بکنت؟
- سئ واندنگ په رون چیزیکه دیماشه جُستان اوشکت یکواردگه شه برېگشیت.
- چنت سادگین گالانا به وتی هوشا بیارت ورندا به وتی کتابچهان بلکت؟
- سئ واندنگ په رون یک یک کلیمی که چار حرف بدارنت په وتی همراهان بگشیت.
- په ای گالان به وتی کتابچهان یک یک جمله بلکت.

وتی

بربر

کمک

- سبخی ای بهرا "پیغمبر ﷺ به چهل سالگیا به پیغمبر یا رست. خدا ﷻ گون قرآن مجیدی دیم داتنا په وتی عزیزین رسولا به ۲۳ سالا اسلامی پاکین دینا پوره کړت. " په رون په برزین تواری بوانت.

امی وطن

مخسد: وانندگ بواننت و بلکنت، وتی وطنادرست کنت و کدري بزانت.



جست:

- ۱- کی په وطنی با روا چیزی گشتگه کنت؟
- ۲- به افغانستان کی زندگيه کنت؟
- ۳- پچی باید هرکس وتی وطنادرست داشتگ بیت؟

امی وطن افغانستان انت. مچین مردم که به افغانستان زندگيه کنت افغان گشتگه بنت. وطنی کدر به هر مردمی دیمابازانت. امی وطنی نندوک دلیر و آزاتی دوست انت. به افغانستان راز رازی نیوگ ودیه بیت.

اما په وتی وطنی آباتی وساتناشه دل وجان کوشسته کنن و آبی آباتی و ترخیالوتن. امی دلی واهگ وارمان ایش انت که امی وطن برق، کارخانه، راه و سړک، پل و شفاخانه داشتگ بیت. امالوتن به عزیزین وطناسک و پرواکین سول و امن برجایت. به سول و امنی جاور و حالتی تعلیم و رودینگ و ترخی و آباتی کار گهتر تسره بنت و په مردمان کار و روزگار بریره بیت. پمیشا باید مچین مردم، په یکویی و تپاک، دستایکی کرته و شپ و روچ په وطنی آباتیا، کوشش و تلواسگ کنن که مچانی مخسد وواهگ که آبات و دیماشگین افغانستان انت تسربرسیت.

وطن

مئ ملک ومئ دوستین دیار	ای عزیزین سرڊ گار
مئ هلک و آباتی و شار	مئ بهشتین لوگ و جا
آباتی و کشت و کشار	پر جنگل و نیزار و آپ
قربان په تی هر پت و سار	تی ریک می چمانی دوا
خرم مداما چوبهار	سرسبز بی ووش هوا
دستاگون زهم و کتار	مامچ تهی سربادیوک
مچین مړاو سرمچار	همدست ویگجا رادگن
منن په شان و افتخار	دیمونیا ملکئ وتی
بیت و بگیت مئ سرڊ گار	از می ندن ما دشمننا
ساتن گون جانانی نثار	شاناوتی ملکئ مدام
پمادلیری و سگار	میراث شه پسا متگیت
وت واکئی بُرزین توار	جار کرتگیت مئ استمان

سول و تپاک بیت برقرار

ایش انت سماجی شعار



عزیزین واننده گان!

ای شیراشه برکنت و مانای نثری وړا به وتی کتابچهان بلکت.

سبخی نوکین گالانا سیایگ یکنټ.

- دو وانندگ په رون نوکین سبخابوانیت.

- سئ وانندگ به صنفی دیمابیت و په رون:

اولی په وطنی کدر

دومی په وطنی حک

سومی په وطنی نندوکانی باروا چیزیکه زاننت بگشت.

- سبخابوانی بوانت و جالگی گالانی ضداودی بکنټ.

جالین

جتا

- پنچ ډل بیت و هرډلی وانندگ گون وټ په وطنی کدري با روا هېرېدیت.

- سئ سئ وانندگ په رون ای سبخی یک یک با را په برزین توارى بوانیت.

- چیزیکه انون گشتکه بیت په جوانی بلکت و جائیکه لازم انت ټک، کامه، سوالیه و

ندائیه علامها نابلت.

- سئ وانندگ په رون هر گجامی وطنی سئ سئ ولایتانی نامانا بگشیت.

گسویڼ کار:



"وطن" شیرا به وټی کتابچهان بلکت و به وټی گسا په وټی کهولی دگه باسکان بوانت.

چیزیکه انون گشتگه بیت په جوانی بشکنت و رنداجُستانی پسوا بگشت.

۱- وطن دوستی چوین صفتی انت؟

۲- پچی اما باید گون وطن مهر و مابت داشتگ بن؟

۳- آ که به افغانستان زندگیه کننت چی گشتگه بنت؟

۴- وطن کی سرا حک داریت؟

۵- اما به وتی وطن چیه لوتن؟

- سئ واندگ په رون چیزیکه دیماشه جُستان گشتگ بوت شه بر بگشیت.

- په ای گالان جمله جوړ بکنت.

دلیر

آباتی

واهگ وارمان

سول

کدر


- سبخی ای بهرا «امی وطن افغانستان انت. مچین مردم که به افغانستان زندگیه کننت

افغان گشتگه بنت. وطنی کدر به هر مردمی دیمابازانت» سئ واندگ په رون په برزین

تواری بوانیت.

دنتانانی ساتن

مخسد: واندگ بواننت و بلکنت. دنتانانی کدرا بزانت و آوانا جوان بساتنت.



جست:

۱- اما باید وتی دنتانانا چون بساتن؟

۲- اگه وتی دپ و دنتانانامه شون چه تاوان داریت؟

چی دنتانانه خرابه کنت؟

مردم هر چه که وارت، دیماشه ایربرتنا، گون دنتانان جوانه جائیت و اورته کنت. اگه چیزیکه ورن په جوانی مه جاھن اماره ناجوره کنت. دنتان په اما بازپیدگ دارنت. دمیکه نانه ورن اورتین نان، گوشت ودگه به امی دنتانانی ایشک و آشکا لچنت پمیشا باید انت رنداشه ورگیانی وارتنا وتی دنتانانا گون برس و مزواک و وادا پاک بشودن. اگه وتی دپ و دنتانانا پاک مه شون امی دپ گندگین بوی دنت و مردم شه اما بده برنت.

په ایشی که دنتان جوان ساتتگ بنت باید سکین چیزانا گون ایشان مه پروشن، بازوشی مه ورن پچیکه بازین و شی وارتن هم دنتانانا خرابه کنت. بازیخین یا باز سور (گرمین) چیزانی وارتن هم په دنتانان باز تاوان داریت. اما باید بزنان که دنتان هم چوچم، گوش، پوز ووجودی دگه باسکانی وړا په اما باز پیدگ وکت دارنت. باید انت ایشانی کدرا بزنان و جوان بساتن.



به شپ وروچا په سئ دقیقه دنتانانی برس کرتنا آوانا شه خرابیا ساتتگه کنن

عزیزین واندنه گان!

- ای سبخی نوکین گالانا سیایگ بکنت.
- دو واندنگ په رون نوکین سبغا بوانیت.
- سبغا کراری بوانت و جالگی گالانی ضدا شه تهی ودی بکنت.

تاوان

جوانین

نرمین

- پنچ ډل بیت و هر ډلی واندنگ گون وت په دنتانانی پیدگ و کته باروا هبربدیت.

- سئ وانندگ ای سبخی یک یک بارا په بُرزين تواری بوانیت.
- به ای سبخی تنها اشاره ین ضمیرا مالوم کنت.
 - چیزیکه انون گشتگه بیت په جوانی بلکت و جائیکه زانت ټک، کامه، سوالیه و ندائیه علامهانا بلت.
 - شه ای گالان په جالگي جملانی اورکین جاگهان گچین بکنت و به وتی کتابچهان بلکت.

جوزی پوستا

بادامی

سکین پسته

اما هیچبر باید _____ گون دنتانان مه پروشن.

سکین _____ پروشتن گون دنتانا تاوان داریت.

هلو _____ پروشتن گون دنتانا تاوان داریت.

جالگی جملانا بوانت و بگشت که دنتانانی پیدگ وکت گجام یکین انت.

۱- په ورگین چیزانی چاپتن و اورت کرتنا

۲- په شریین هبرداتنا

۳- په براه وزیا

به دیمی ص بلکت .

اولی	دومی	سومی	هرسین

گجام یکین پسو جوان انت

گسویین کار:

هر گجامی شه شما سئ سئ جمله په دنتانانی باروا به وتی کتابچهان بلکت.

چیزیکه انون گشتگه بیت په جوانی بشکنت ورندا جُستانی پسوا بگشت.

۱- بالاچ که شه گساسونی مکتباشت چیوه کرت؟

۲- گاجیان آیرا چی گشت؟

۳- بالاچ چی گشت؟

۴- گاجیان چی گشت؟

۵- په نان و گوشتی دور کرتنا دنتانی کونلتن گون چیا بیت؟

- سئ وانندگ چیزیکه دیماشه جُستان گشتگ بوت یکواردگه شه برېگشیت.

- گون جالگئی گالان جمله جوړه کنت و به وتی کتابچهان بلکت.

وارت

جائیت

مه جاهن

برس

مزواک

- سېخی بنیادین بزانتا "مردم هرچه وارت دیماشه ایر برتنا جوانه جائیت و اورته کنت.

اگه چیزی ورن په جوانی مه جاهن اماره ناجوړه کنت. دنتان په اماباز پیدگ دارنت" په

رون په بُرزين تواری بوانت.

فرخی سیستانی

مخسّد:

واندگ سبخابوانت و بلکنت.
گون شاعرو نویسوکان درستی بنت.

جست:

- شه شماکئی دو یا سی شاعری ناما گشتگه کنت؟
- شه شما گجام یکین فرخی سیستانی باروا چیزی زانت؟
- فرخی سیستانی به گجاودی بوته؟

فرخی نام، علی پسی نامی جولوغ و کنیتی ابوالحسن انت. به سیستان و دی بوته و شه سیستان به چغانیان و شه او دا به امیر ابوالمظفر چغانی وسیلا به غزنی سلطان محمودی دربارا راه و دی کرتگیت.

آیی و دی بو تن و زوال بو تنی و هده و روچ درانه انت. به ورنایا شه ای متگین کوپروا شتگیت. به فرخی سیستانی شیران گیشتر سلطان محمود و آیی کهولی مدح و ستا دیستگه بنت.

فرخی هنده دپ ووش گزرانین شاعری ات که آیی شیرانی تها مهلنجی صفت بازانت. آیی تشیب سادگ و رادگ انت که په شری به هر دلی تهانندیت. آسلطان محمودی پُرسوین کارو کرد، وطنی براهدارین جاگه و دیار و غزنی مپراین سپاهیانی سربادیو کیانا به وتی شیرانی تل و توکاستا کرتگیت. فرخی سیستانی به سلطان محمودی زاگ مسعودی زمانگا به غزنی ولایتا زوال بو تنگیت. آیی شیرانی سرجم به ایران و هندوستان چاپ بو تنگت.



- ای سبخی نوکین گالانا سیایگ بکنت.
- دو وانندگ په رون نوکین سبغا بوانیت.
 - سبغا کراری بوانت ورندا په یکی آد گرا چیزیکه په فرخی باروا زانت بگشت.
 - پنچ ډل بیت و هرډلی جتاجتا گون وت په فرخی سیستانی باروا هبربدیت.
 - شه جالگی سئ پسوان یکی راست انت. آیراودی و به وتی کتابچهان بلکت.
- فرخی سیستانی به کندز ودی بوته.
- فرخی سیستانی به تخار ودی بوته.
- فرخی سیستانی به سیستان ودی بوته.
- به ادا به سیستان آخرا (ی) آیرا نسبتین صفت جوړه کنت پمیشاراست انت که فرخی سیستانی شه سیستان بوته.

په فرخی سیستانی نامی زندگ ساتنا به نیمروز ولایتا

	راهی
	مکتبی
	کارخانئ

گجام یکین به آیی ناما جوړ بوته به دیمي ص بلکت.

- سئ وانندگ ای سبخی یک یک بارا په برزین تواری بوایت.
- نسبتین صفتا به ای سبخا معلوم بکنت و لهتین دگه نسبتین کلیمه جوړ کنت.
 - چیزیکه انون گشتگه بیت په شری بلکت و جائیکه لازم انت ټک، کامه، سوالیه وندائیه بلت.
 - گون ای گالان جالگی جملانی اورکین جاگها ناپوره کنت.

ودی بو تن

وهده وروج

شه ای

شیران

کهولی

آیی _____ وزوال بو تنی _____ درانه انت. به ورنایا _____ منتگین کوړوا
شتگیت. به فرخی سیستانی _____ گیشتر سلطان محمود و آیی _____ مدح و
ستادیسگه بنت.

گویین کار:



ای سبخا به وتی کتابچهان بلکت و شه برکنت.

چیزیکه انون گشتکه بیت بشکنت و رنداجُستانی پسوا بگشت.

- ۱- بنیادم سر وارا چیا ودي کرتنت؟
- ۲- شه گجام سنگانی لگاشتنا آچش وديه بوت؟
- ۳- آوهدي انسان ای کارا په وت چیه زانتنت؟
- ۴- شه چیا آوختی انسان به حیوانانی سرا واک و توک ودي کرتنت؟
- ۵- انون و آوختی آچشی روک کرتنی توپیر چی انت؟
- سئ واندگ په رون چیزیکه دیماشه جُستان اوشکتت یکوار دگه شه برېگشیت.
- گون ای جالگی گالان به وتی کتابچهان جمله جوړ بکنت.

زوال

به ورنهیا

کاروکرد

هنده دپ

- سئ واندگ په رون سبخی ای بارا "فرخی نام علی پسی نامی جولوغ و کنیتی ابوالحسن انت به سیستان ودي بوته وشه سیستان به چغانیان وشه او دا به امیر ابولمظفر چغانی وسیلا به غزنی سلطان محمودی دربارا راه ودي کرتگیت" په رون په بُرزين توارى بوانت.

په حیوانان رحم

مخسد: واندگ بواننت و بلکنت. حیوانانی سرارحم کرتنی کدرا بزانتت.
په حیوانانی ساتنا شوقمند بنت.
ټک (.) کامه (،) ندائیه (!) و سوالیه ین جملانا بزانتت.



جست:

- ۱- زانت که حیوان چون ساتگه بنت؟
- ۲- چون حیوانانی سروپا سرا داشتگ بن؟
- ۳- اگه بگندت حیوانی به یک جاگی مین منته آیرا دره کنت؟
- ۴- کی به رحمی سببا به پیغمبر یارست؟

حیوان په امی نپ و پیدگا انت. آهم جان دارنت. گرمی، سردی، ژن، گشن، ژندی، سکی و سوری زانتت. بلی ای بی دپ وزوان وسی نه دارنت که و ترا شه سکی و سوری برکیننت و یاوت وتی گشن و تنی اړابوجنت دگه باید آوانی سروپا سرا داشتگ بن. اگه به گسا په شیر و روگن و گوشتی خاطر یا په کاری دربرتنا حیوانه ساتن آوانی سرا ظلم و بی توری مه کنن، حیوانانا به وده و وختی آپ وکاه و کدیم بدین به بار برتنی وهدا بازمه لهن.

اڳه شه امي ديمايله بنت، يارُم ڪننت و بجينت آوانالٽ و ڪٽ مه ڪنن و مه جورينن. نڪل انت ڪه روچي موسي عليه السلام ڪه شعيب (ع) شوانگ ات وته آوهدا به پيغمبريا نه رست، آبي پسانا چارينت. ناگتايڪ پسي شه رمگاجتا بوت. موسي (ع) لوٽت آيراچار دنت پس شه ترسا سوني گيا بانارم ڪرت. موسي (ع) پسي پدا جست و پسه ترست تا ڪه موسي (ع) پاد پخلوڪ بوت و پس هم شه بازين ژنديا به ڊگارا وٽ اوستاتگه نه ڪرت. موسي (ع) سوني پسائيل ڪرت و رحمي آت و گشت: اي بيچارگ! پچي جي، شه ڪيه ترسي؟ آيرا ڪوپگي سرا ڪرت و به رمگا آورت.

بري وهدا خدا (ج) ملايڪانا گشت ڪه: ديست مني بندگان گون دٻ بستگين پساجي ڪرت؟ سري آئيڪه پازاب بوت آيرانه جورينت و په آبي رحم ڪرت. دگه اي انسان پيغمبر يا ڪرزيت. آيرا ڪتاب و پيغمبري دات ڪه تا ابد مردم آيرا په نيڪي يا ته ڪننت.

عزيرين واننده گان!

- اي سبخي نوڪين گالانا سيايگ بڪنت.
- دو وانندگ په رون نوڪين سبخبوانيت.
- پنج ڍل بيت و هرڍلي په حيواناني سرارحم ڪرتئي بارواگون وت هبر بديت.
- جالگي جملا بوانت و جائڪه ٽڪ و ڪامه لوٽيت بلڪت.
- اما هر روچ مڪتباڪاين اماوتي ڪتاب ڪلم ڪتابچه و دگه از بابانا هم گون وته ڪارن.



- سئ واندگ ای سبخی یک یک با را په برزین توارى بوانیت.
- به ای سبخا ټک (۰) کامه (،) ندائیه (!) و سوالیه ین جملانا بزانت.
 - چیزیکه انون گشتگه بیت په شری بلکت و جائیکه لازم انت ټک، کامه و سوالیه بلت.
 - شه ای گالان به جالگی جملانی اورکین جا گهان بلکت.

شیرور و گن

دربرتنا

بی توری

اگه به گسا په _____ و گوشتی خاطرا یا په کاری _____ حیوانه ساتن
آوانی سراطلم و _____ مه کن.

به ای سبخا موسی علیه السلامی رحم و دلسوچی که په پسا کرت په شما چیی
ډولا گشتگ بوت.

	شیری ډولا
	نکلی ډولا
	نه نکل و نه شیری ډولا

گجام یکین انت به دیمی (ص) بلکت.



گسویین کار:

هر گجامی شه شما په حیوانانی سراطلم و دلسوچی با رواسی کشک به وتی کتابچهان
بلکت.

چیزیکه انون گشتگه بیت په جوانی بشکنت و رندا جُستانی پسوا بگشت:

- ۱- کریمداد به وتی سرای دیما چیی دیست؟
- ۲- چلگی گجا پرشت؟
- ۳- کریمدا دکه چلگاگپت چون کرت؟
- ۴- چلگ که یله بوت گجا نشت؟
- ۵- رحم، نیکی و جوانی چون انت؟
- سی واندگ په رون چیزیکه دیما شه جُستان گشتگ بوت یکوار دگه شه برېگشت.
- په ای گالان یک یک جمله جوړ بکنت.

حيوان

رُم

لټ وکت

گشن

مه لپن

کاه وکدیم

- سی واندگ سبخی ای بهرا (حيوان په امی نپ و پیدگا انت. آهم جان دارنت. گرمی، سردی، ټن، گشن، سکی و سوريا زانت) په رون په برزین تواری بوانت.

زمستان

مخسد:

- وائن، لکتن. گون زمستاني موسما وانندگانى گيشترين درستی بوتن.
- زمستاني ايراني زانتن.
- شه حيواناني زندگيا به اى موسماسي بوتن.



جست:

- ۱- زمستان سالي چتيمي موسم انت؟
- ۲- زمستاني موسمي ما هاني ناما زانت؟ بگشت.
- ۳- مردم به زمستاني موسما چونين ليس گؤرا كننت؟
- ۴- پچى مورينك به زمستانا په دانگي نز آورتنا دره نه بنت؟ كدين نزه كارنت؟

زمستان سالی چارمین موسم انت که جدی ماها بنا وئی ماه انت، جدی، دلو و حوت زمستانی ماه انت.

به زمستانی موسما اور و برپ بازه بیت. هوا باز یخه بیت. بالی مرگ، حیوان و انسان مچین کوشسته کننت گرمین جاگه ودی کننت باز جاگها نابرب و یخ بنده گیت. مردم پشمین گرمین پچ ولبیس گورا کننت. موزگ، بالاپوش دستکش و جرابه پوشنت. په گسانی گرم ساتنا شه بخاری و دیگدانا کار گیتگه بیت. مورینک به چکاری چیرا به وتی گسان ماننت و دره نه بنت.

ای زنده جان سرآیی که گونپانت برزین همتی دارنت ووتی دورا گندنت. مورینک بازکسان بلی شیوار و سرپدانت آبه گرمیی موسم و وهدا زمستانی سردین موسمی پکرا انت و به هماوختا په وتی زمستانا ضرورتی وری خرچا ودی و چیره کننت. آء زاننت که به زمستانا دانگ و توشگی ودی کرتن و نز آورتن سک انت.

عزیزین واننده گان!

- ای سبخئی نوکین گالانا سیایگ بکنت.
- دو وانندگ په رون نوکین سبخا بوانیت
- سبخا کراری (بیتوار) بوانت وای گالانی ضدا ودی کنت.

گرم

سردساتن

آسان

اور

برپ

پنچ دل بیت و هرډلی وانندگ گون وت په زمستانی موسمی باروا هیر بدیت. شه جالگی پسوان یکی راست انت آیرا ودی و رندا به وتی کتابچهان بلکت.

۱- زمستان سالی دومین موسم انت باز گرم انت.

۲- زمستان سالی چارمین موسم انت باز سرد انت.

۳- زمستان سالی اولین موسم انت.



- سئ وانندگ په رون ای سبخی یک یک باره په بُرزين تواری بوانیت.
- ترتیبی یا توصیفین عدد گون مین پسوندا جوړه بیت شما به ای سبځا توصیفین عدددا و دی و به وتی کتابچهان بلکت و چنت جمله جوړکنت که به آوان پنچمین، ششمین آورتگ بیت.
 - چیزیکه انون گشتهگ بیت په جوانی بلکت و جائیکه زانت ټک، کامه، سوالیه و ندائیه بلت.
 - سئ وانندگ په ایشی که چون و ترا به زمستانا گرم ساتگه کنن و گرمی وسیله چی انت په رون هبربدنت.
 - شه ایشان همایرا که جملی معنا گهتر پوره کنت مالوم ورندا به وتی کتابچهان بلکت.

انسان

حيوان

بالی مرگ

- به زمستانا _____، _____ و _____ کوشته کننت په وت گرمین جاگه و دی کننت.
- گون ای گالان جالگی جملانا پوره بکنت.

زمستانی

مه ساتن

شه

ناجوریان

- آگه اما _____ فکرامه بن و به زمستانا و ترا گرم _____، _____ سردیا
- گون راز رازئ _____ دیم په دیمه بن.

- چیزیکه انون گشتگه بیت په جوانی بشکنت ورندا جُستانی پسوا بگشت.
- ۱- به برپی روچا کاگدی تنها که برپه کننت سری چی لکیته؟
- ۲- ای کاگدا کسانین زاگ گجا بارت؟
- ۳- اگه شه دوستی گس واوندان کسی بزانتین که برپی انت چونه کرت؟
- ۴- اگه مه زانتیننت چونه بوت؟
- ۵- شما تا انون کسی را برپی کرتگت؟
- سئ واندگ په رون چیزیکه دیماشه جُستان گشتگ بوت یکوارد گه شه برېگشیت.
- جالگئ گالانا جتاجتا به جملان بیارت.

زمستان

گورا

مورینک

مورین کار:

هرگجامي شه شما په ايشی که به زمستانا چونين پچ ولبیس گورا کنن سئ سئ کِشک به وتی کتابچهان بلکت.

عبدالرحمن «پهوال»

مخسدا:

وانتن لکتن و وانندگانى درستی بوتن گون شاعر و نویسو کا.



جست:

۱- شما بلوچیی زوانی شاعری درسته کنت؟ کئ انت؟

۲- عبدالرحمن «پهوالی» ناما او شکتگت اگه نه؟

عبدالرحمن "پهوال" به هجری شمسی ۱۳۱۸ ساللا به نیمروزی ولایتی کنگی ولسوالی ابراهیم آبادی سرچگارا پیدا بوتگ.

وتی بنگیجی تعلیمه به کنگی ولسوالی مکتبا در برت و آیی ردا په گیشترین تعلیم کنگا به کابل آت و تا ۱۲ صنفه به کابل دارالمعلمیناوت ورندا کابل پوهنتونی ادبیاتی فاکولتها شامل ببوت و ۱۳۴۳ سالی جدیی ماهاشه همی فاکولتها فارغ ببوت و همودان به کابل پوهنتونا سرکاری ملازمت و کارابناء کرت، ایشی ردا به پشتوی زوانی بین الاقوامیین مرکزآ آت و آیی و پد افغانستانی علومی اکادمیی باسک بوت.

خدا بیا مرز عبدالرحمن "پهوال" گیش شه ۳۵ سال به رادیو افغانستانی بلوچی پروگراما هم کار کرتگ. آء به شیر و شاعری و نثری نمشه کرتنا کاریین وسی واوندات و بازین کتاب و نمشتانکی به بلوچی، پارسی و پشتوی زوانان چاپ و شینگ کرتگیت که آیی بازین شیرو نمشته به هما و هدا به بلوچی "سوب" هپتگ تاک و دگه ماهتاک ورسالهان چاپ و شینگ بوتگنت.

عبدالرحمن پهوالی کلامی چیدگ:

دوست دارین

دوست دارین دیدگان چو	من وتی ماتی دیاری
دشت لوتین ریکسارا	باگ و سبزین نیزارا

دوست دارین دیدگان چو	سرومگین ها کانا آیی
نیوگ و آپانا آیی	آیی هورگرنندو گروکان
مست و گج شانین رودان	صاف و سبزین آسمانی
چرگ وسیل وشکاری	دوست دارین دیدگان چو

آیی دیرین ساروتارا	موسم ووشین بهارا
ریسگین سیاهین گدانان	پراه و سبزین دشت و میدان
ترند و تیزین ماریانا	مست و کوهین لیروانا
میش و بگانی دوارا	شیوانی پاس و وختا

گرم و جان سوچین لواری	شوانگی شیپول توارا
سبزگ و کِشت و کِشاری	لـوـر و گـواتی
سُر سُرین گوات و هوای	تاری و شام و غروبا

آیی هلمند، شیلگ و خاشرو دامستین	دوست دارین دیدگان چو
پوزوکی هامون موجین	مارگوی پت دوردستین
کهنکین برزین کلات و	جاندمی چولین دشتا
زندگین تاریخ و نکلی	گوستگین نام و نشان و

آیی عزت آیی ننگا	دوست دارین دیدگان چو
آیی سول و آیی سوبا	آیی پتی مـرو جنگا
دوست دارین دیدگان چو	بزرگ و مزور و خواری
آیی آبـتایی راهـا	تهـارین آیی شـپانـا
ننگرین مردانا آیی	سکی و رنج و غمانا
آسمانی کرا زمانی	لج پالین کاډانا آیی
آباتین آیوکا آیی	باندی روچی روشنین استارا آیی

دوست دارین دوست دارین

من وتی چو سروساهی



- ای سبخئی نوکین گالانا سیا یگ بکنت.
- دو وانندگ په رون نوکین سبخابوانیت.
- سی وانندگ په رون شئیرا که دوست دارین سرگال داریت په برزین تواری
بواننت.
- وانندگ سی ډل بیت و هر ډلی گون وت په ای سبخئی باروا هبربدیت و شه ای
نامان همایرا حلغی تنها بگرت که به ای سبخا گون آیی درستی بوت.
- نوراحمد «اومان»
- خان محمد سلیمی
- عبدالرحمن "پهوال"
- ملنگ "رسولی"
- خدانظر "سرمچار"

نیالی نادیتنی کټ

مخسډ:

- واندگ بواننت. بلکنت و نیال نادیتنی کټ و پید گا بزانت.
- درچک و نهالانی ساتنا دلگوش بکنت.
- گون نهال نادیتن و سرسبزیا هیل بکنت.



جست:

- ۱- به برزگی عکسا چیه گندت؟
- ۲- به گجام موسما نیال نا دیتنگه بیت؟
- ۳- گجام یکی شه شما امبرانی نیال نادیتنه؟

نیالی نادیتن به امی عزیزین وطن دیرین گوستگی داریت. هر سالگ به حملی اول یا نوروزی روچا په گل و وشحالی بناء بیت. نیال و سرسبزی بازکټ و پیدگ داریت. گون نیالانی نادیتنا درچک و جنگل گیشه بنت، هر نیمگی سر سبز و براهدار و هوا سا په بیت.

ناکو بالاچ که یک سر پد و کاریین با گذار و کشار گری انت. هر سالگ و پروری نیالانا به وتی دگارا بر بیره کنت بازین نیالی په مکتبا آورت. وانندگ آوانا نا دینتنت. به آخرا مکتبی مدیر که شه ای کارا با زوش بوتت هبردات و گشت: من شه ناکو بالاچ که ای نیالانا آورته وشه وانندگان که آوانابه لازمین جاگهان نادینتنت بازو شون. اگه مچین به وتی گسانی دیم و سرک و جوهانی کر و پانادا نیال بنادینتنت هر جاگی سر سوزوبراهدار بیت.

رندا ناکو بالاچ هبردات و گشت: اما به باگذاری و کشار گریا عمری گواز ینتگن هر چنکس که نیال و سرسبزی گیش بیت هوا ساپ و پا که بیت که په دروائیا باز پیدگ داریت. همی راز که مروچی شما وت نیال نادینتنت دگه لازم انت وتی نیالانی ساتنی پکراهم بیت، اگه دگری نیالی نادینتنته آیراهم بسات و میلث که خشک بنت. بیدی دلسوچی، کار و کوششا چیزی دستا نه کیت. به آخراشه و اندگانی نیمگایکی هبردات و کول دات که په نیالانی ساتنا دلگوشه کنت.

عزیزین واننده گان!

- ای سبخی نوکین گالانا سیایگ بکنت.
- دو وانندگ په رون نوکین سبغا بوانیت.
- سبغا کراری (بیتوار) بوانت وای گالانی ضدا ودی بکنت.

غم وسوگ

ضرر وتاوان

خپه

- سی دل بیت و هرډلی وانندگ گون وت په نیال، درچک و جنگل و بش وزولانی کدر و پیدگئی باروا هبردیت.
- دو وانندگ په رون یکی نیوگ دارین در چک و آدگه بی نیوگین در چک و نیالی ناما بگشیت.

- سئ واندگ په رون ای سبخی یک یک باره په برزین تواری بوانیت.
- وت، وتی یا جند، جندی، جندش مشترک یا "هورین" ضمیر انت شما به ای سبخی
تھا به هر جملی که شه ای گالان انت آیرا معلوم و به وتی کتابچهان بلکت.
- چیزیکه انون په شما گشتگه بیت په جوانی بلکت و جائیکه لازم انت ټک، کامه،
سوالیه و ندائیه علامها نابلت.
- به جالگی شیران هورین ضمیری گالانا مالوم کنت.

وت بوشت و تی پادانی سرا

وت واجه بی کارانی وتی

۱. ***

وتی ماکوچگ و دشت و دیاران

کنن سرسبزگون کشت و کشاوران

کنن خواری جهانان پیشه دارن

که خواری مردمی شان انت مروچی



هر گجامی شه شما په زیال نادیتنی کټ و پیدگی باروا سئ کشک به وتی کتابچهان
بلکت.

چیزیکه انون گشتگه بیت په جوانی بشکنت ورندا جُستانی پسوا بگشت.

جُست:

- ۱- چی په هوای ساپ کرتن وایشکء آشکئی براهدار بوتنا پیدگ داریت؟
- ۲- جائیکه درخت و سرسبزی نه انت چونین هوای داریت؟
- ۳- حاک و پُلک به گجا بازودیه بیت؟
- ۴- به گجام جاگهان گیشتر مردم ناجوړه بنت؟
- ۵- هر جاگئی براه و زیب به چیانت؟
- سی وانندگ په رون چیزیکه دیما شه جُستان گشتگ بوت یکوار دگه شه برېگشیت.
- ای بی ډولین جملانا په ډول بلکت.
- گوستگی دیرین وطن داریت عزیزین به امی نیالی نادینتن.
- بیت ساپه و هوا براهدار سرسبز هر نیمگی.
- آورت به مکتبانیالی بازین.

متل و گالوار

مخسد:

وانندگ بواننت و بلكنت گون اولسين ادب ولبزانكا بلدبنت و بزانتت كه متل و گالوار، چاچا كه وكسانين شير هر گجامي اولسين ادبي باري انت.

واي وطني حشكين دار

جُست:

۱- متل و گالوار زانت؟

۲- گجام يكي شه شما متلي گشتكه كنت؟

۳- متل و گالوار گجام وختي پكرو خيالاني دراكنوك انت؟

متل و گالوار باز غديمي و كهنين دوروزما نگاني زانگ و پكر و خيالاني روش و دراكنوك انت و زوانين ادب و لبرانكي مزين باري زانتكه بنت.

متل و گالوار سرايشي كه به ظاهرا سبك و گونهين هبرانت، بلي باز مزين مطلب و ماناها نا روش و دراكننت. مثالي پيما و هدي كه به گپ و تراني تها گشتكه بيت مارورد شه كلهين دسگا ترسيت. كي گشيت كه مني دوگ ترشپ انت. غوټ و ترازيان كرتگيت.

اگه هر گجامي شه اي متلان پوره و هر نيمگين ډولي پټ و پول بنت شه آواني ماناهاني ديما باز چيز ليكتكه كنن. متل و گالوار شفابين لبرانكي مزين بهري زانتكه بنت كه زوان به زوان شه يك مردمي به دگه مردمي و شه يك نيبركي به دگه نيبركي رسنت.

متلانی و انتن نه تانکا ایش که اماره شه آوانی گشوکانی برزین پکروخیالان سی و سرپده
کنت بلکین آوانی خاصین جذبگ و جوشی دراکنوک هم انت. مثالی پیمّا:
وای وطنی او شکین دار.

ای متل آو هدا گشتگه بیت که یک مردمی شه وتی ما سیین وطنا دور و جتایت و هدی
که وطنی حُب آیرا به جذبگ و جوشا کاریت وتی زندگی گوازینگی جاگها که آیی
اصلین وطن نه انت سرایشی که براهدار و پرپل بیت شه هوشا بارت وبی اختیار کوکاره
کشیت که: وای وطنی اوشکین دار.

متل وگالوارانی اصلین گشوک درانه انت مگه به هبری وهداشه ایشان مچین مردم کاره
گرنّت.

متل و گالوار به هر روچی زندگیا به مردمانی میانجینا به آوانی کار وکردی ربط گپتنا
گشتگ و اوشکتگه بنت که مزین اجتماعیین تاثیرى دارنت.

درورو چیدگی وړا لهتین متل و گالوار:

- من چنت جامگ شه ته گیشتر درتگون
- شه یک چاپوری دودیم پدرده بیت.
- عقل که مه دارئ تی جان پازاب انت.
- کلاوگی سرشه دیمئ زیان بوتگیت.

- چار واندگ په رون ای سبخی یک یک باره په برزین تواری بوانیت
- ای سبخی نوکین گالانا سیایگ بکنت.
- سبخا کراری بوانت وای گالانی ضدا وودی بکنت.

نوکین

کسانین

گران و مزین

جالین

باز

نزیك

آوانی

- چیزیکه انون گشتکه بیت په جوانی بلکت و جائیکه لازم انت ټک کامه، سوالیه و ندائیه بلت.
- چار واندگ یک یک متل و گالوارا شه ای سبخی آخرا بگشیت.

مسوین کار:

ای سبخی اولی باره به وتی کتابچهان بلکت. و متل و گالوارانا رنداشه لیکتنا شه برکنت.

چیزیکه انون گشتگه بیت په جوانی بشکنت ورندا جُستانی پسوا بگشت.

جُست:

- ۱- حکیم، گاجیان و میردادگون وت چی انت؟
- ۲- یکروچی کیء را به راهی در اجیا دیستنت؟
- ۳- ناکو کرم آوانا چی گشت؟
- ۴- حکیم و گاجیان که وتی کتابانا میر دادا دانتت چون کرتنت؟
- ۵- ناکو کرم په آوان چی کرت؟

- سی وانندگ چیزیکه دیماشه جُستان گشتگ بوت شه بر یکوار دگه بگشیت.
په ای گالان یک یک جمله جوړ بکنت.

متل و گالوار

روش و درا

هر گجام

باز چیز

سبخی بنیادین بزانتا (متل و گالوار باز غدیمی و کهنین دور و زمانگانی زانگ و پکر و خیالانی روش و دراکنوک انت و زوانین ادب و لیزانکی مزنین باری زانتگه بنت). په رون په برزین توارى بوانت.

آسمانک

مخسد:

وانتن ولکتن و گون نکل و آسمانکی اوشکتن و گشتنا پجارتن.



جُست:

- ۱- کی آسمانکی گشتگه کنت؟
- ۲- آسمانکی گشتنی وخت کدین انت؟
- ۳- شه شماکی شیوارین اسپئی آسمانکا زانت؟

رنداشه آیی که وانندگ معلم صاحبی هبرو جُستانا اوشکتنت بالاچ که یک سرپدین وانندگی شه وتی جاگاه اوستات و گشت: معلم صاحب من شیوارین اسپئی آسمانکا زانین. معلم گشت: شه کی اوشکتگی؟ بالاچ گشت: منی پس مدام په اما آسمانکه شیت. یک شپی به لواری گرمیا دنا نشتن اما وتی پساگشتن یک آسمانکی بگش آء شیوارین اسپئی آسمانکا په اما گشت: آنکل کرت که، یک وهدی اسپئی گون وتی کرگا چمندى تها په

چرتناشت. چمندی پاک وساپین هوا ووشین سوزگ آیرا آنکه وش آت که تا نماشاماشه او دا در نه بوت.

شه ای چمندا دورتر جنگلی ات که او دا گرک و روباهی زندگیه کرتنت، ایش که شه جنگلا در بوتنت چمش به اسپ و کرگی کپت شه آوانی دیستناوش بوتنت. گرک روباهها گشت: کره اسپئ گوشت باز نازرک ووش انت. چمبازین روباه په هندگ گشت برون شه ماسی آیی بها سوج کنن وگله آیرا په یک چمی بورن.

هر دو کین دیماشتنت.

گرک اسپا گشت: تی کرگی بها چنکس انت؟ اسپ گشت: آیی بها منی پدی پادی سمی سرا نمشته انت. گرک کراکرا نزدیک بوت وسوج کرت به تی گجام سما، اسپ وتی دیمه گردینت جوان آیرانشان گپت وگشت به منی راستین سما، گرک وتی سراجال کرت که بگندیت، اسپ به باز ترندی وزراب گرکی سرگی سرالگتی جت وسرگی پروشت.

روباه که دیست هما د ما جست گرک هم به گریوگ و دردین سرگی شه اودا شت وشه وتی عملا پشیمان بوت.

عزیزین واندده گان!

- ای سبخی نوکین کلیما نا سیایگ بکنت.
- دو واندگ نوکین سبخا بوانیت.
- سبخا کراری بوانت و جالگی گالانی ضدا ودی کنت.

زنله

گریوگ

دیمی

زو زو

چپین



- سئ وانندگ ای سبخئ یک یک بارا به برزین تواری بوانیت.
- ای سبخئ هما جملانا که شارحه (: و سوالیه (? دارنت به وتی کتابچهان سیایگ بکنت.
- چیزیکه انون گشتگه بیت به جوانی بلکت و جائیکه لازم انت کامه، سوالیه، ټک و ندائیه علامها نابلت.
- سئ ډل بیت و هر ډلی وانندگ په اسپئ باروا که چونین حیوانی انت گون وت هبر بدیت.
- شه هر ډلی یک وانندگی به رون په ای آسمانکی نتیجه و آسری باروا هبر بدنت.

گسویین کار:



- هر گجامی شه شما به گسا شه وتی کهولی باسکان آسمانکی بشکنت و به هوشا بگیت. ای جُستانی پسوا به وتی گسان به وتی کتابچهان بلکت.
- ۱- اسپ و گُرگ گجا چرتنت؟
- ۲- گرک اسپاچه گشت؟
- ۳- گُرک چون گوازی وارت؟



چیزیکه انون گشتگه بیت په جوانی بشکنت و رندا جُستانی پسوانا بگشت.

۱- کریمداد و بیبرگ گون وت چی انت؟

۲- دمیکه بیبرگ آت کریمداد چیوه کرت؟

۳- بیبرگ کریمدادا چی گشت؟

۴- کریمداد به پسوی چی گشت؟

۵- آخرا بیبرگ چی گشت؟

سئ وانندگ په رون چیزیکه دیما شه جُستان گشتگ بوت یکوار دگه شه بربگشیت.

شه ای گالان به جالگی جملانی پوره کنگا گچین بکنت.

سم

سنت

بلگ

- مُرگئ _____ بارگ انت.

- سوکئ _____ نازرک انت.

- اسپئ _____ سک انت.

پنت

مخسد:

- واندگ بواننت و بلکنت.
- پنتانا بزانت.
- پنتانا به وتی زندگیا عملی بکننت



جُست:

- ۱- به عکسا چیه گندت؟ چیزی گشتگه کنت؟
- ۲- پنت چياشت؟
- ۳- کي چنت پنت زانت؟
- ۴- مزنانی پنت به اما چه پیدگی دارنت؟

پنت، سوگه و کتوکین هبر شه گوستگین وهدانی مزنان متگنت. داندگ و مزن به زندگي دراجيا هروری سکی و سوری که دیستگنت و هر دابی چکاس و آزمایگی که گوازینتگنت، آسرو نتیجی زانته و رندا پنت و سوگهانی وړا په اما اشتگنت. ای پنت و سوگهانی عملی کرتن، بازکدر داریت که چیدگ و دروری وړا جالگی پنت و سوگهانا وانن.

- راستی کنت که راستیا زوال نه انت.
- علم بزورت که علم انسانی براه وزیب انت.
- پاکین مردمانی احترامما بکنت.
- به امانتا خیانت مه کنت.
- دیما رودا غدی کنت ورندا و ترا به آپا بجنت.
- شه وتی وسا برز ترین باری مه زورت.

عزیزین واننده گان!

- ای سبخی نوکین گالانا سیایگ بکنت.
- دو وانندگ په رون نوکین سبخوا بوانیت.
- شه ای جالگی گالان جملانا پوره ورندا به وتی کتابچهان بلکت.

راستیا

بزورت

پاکین

خیانت

غدی

وسا

- راستی کنت که _____ زوال نه انت.
- علم _____ که علم انسانی براه وزیب انت.
- _____ مردمانی احترامما بکنت.
- به امانتا _____ مه کنت.
- دیما رودا _____ کنت رندا و ترا به آپا بجنت.
- شه وتی _____ برزترین باری مه زورت.



- سئ وانندگ ای سبخئ یک یک بارا په برزین تواری بوانیت.
- چیزیکه انون گشتکه بیت په شری بلکت و جائیکه لازم انت ټک، کامه، سوالیه و ندائیه علامهانا بلت.
- پنچ ډل بیت و هر ډلی یک پنتی باروا گون وت هبریدیت ورندا شه هر ډلی یک وانندگی نتیجها په دگران بگشیت.
- پنت سوگه وکتو کین هبر په اما شه گجام یکی شه ای جالگی کسان منته معلوم و به دیمی «ص» حرفی بلت.

۱- دوست و سیادان

۲- دانندگ و مزنان

۳- ورناهان

- جالگی نیمگین جملا به وتی کتابچهان بلکت جملئ چیرا سئ کلیمه لکتگ بوته شه سبخئ دیما که ونتگت جوابا ودی و جملا پوره بکنت.
- پنت و سوگهانی عملی کرتن _____ داریت.

۱- باز کدر

۲- باز تاوان

۳- باز سکی

کسویین کار:



هر گجامی شه شما سئ پنتا به وتی کتابچهان بلکت.



چیزیکه انون گشتگه بیت به جوانی بشکنت ورندا جُستانی پسوا بگشت.

جُست:

- ۱- سری پاچ آورتن و معلومات ودی کرتنی پاچون انت؟
- ۲- اگه په ناسر پدی وتلوار کاری تسر بیت پای چون انت؟
- ۳- وختیکه کاری تسر بیت آخرا شومانی کتی داریت؟
- ۴- ای پنت که اول رودا غدی کنت رندا وترا به آپا بجنت اماره چی نشانه دنت؟
- ۵- اگه پنت وسوگها نا عملی مه کنن چونه بیت؟
- سئ وانندگ چیزیکه دیما شه جُستان گشتگ بوت شه بر بگشیت.
- گون ای گالان جمله جور بکنت.

هرودی

چکاس

کدر

مزنان

وانن

- سبخی بنیادیین بزانتا "پنت، سوگه و کتو کین هبر شه گوستگین وهدانی دانندگ و مزنان متنگنت" په رون په برزین توارى بوانت.

ماهی

مخسد:

- وائنن ولکتن.
- نا معلومین ضمیرانی درست کرتن.
- ماهیی پیدگا زانئن.



جُست:

- ۱- ماهی چونین جاننداری انت؟
- ۲- ماهی به گجا زندگيه کنت؟
- ۳- چنت ډولي ماهيا ديستگت؟

زی بالاچ و گاجیان به رودی سرا شتنت. دمیکه او دا رستنت بالاچ شه گاجیان سوج کړت. بارین رودی آپ ماهی داریت؟
گاجیان گشت: هان، مگه ته سی نه دارئ آنگوسیل کن. یکی روت دگریه کیت بله بله ماهیه گړت.

بالاچ: ته چنت ډولي ماهيا ديستگي؟

گاجیان: ډول ډولی ماهی وډیه بیت. یک رازی ماهی که آوانی تچکی نریک یک مترانت، آوانی گوشت سورین رنگی داریت، بازوشین تامی دینت، پاگاس هم یک ډولی ماهی انت که آیرا کوسه ماهی همه گشت.

بالاچ: بیدی رودی آبا دگه به گجام آبان ماهی وډیه بیت؟
گاجیان: به اشکن و نیزاران که وشین آپ، گل، اشک و دگه جر و گیاب دارنت ماهی بازانت، همی راز به حوض واوشتاگین آپ و کرمانی آبا ماهی باز وډیه بیت، ماهی آپین جانداری انت که بید آبا زندگه نه مانیت.

بالاچ: ماهی گوشت چون انت؟
گاجیان: ماهی گوشت بازجوانین ورگی انت شه هر کس سوج کنی ماهی گوشتاوش داریت.

بالاچ: په ایشی که ماهی ساتنگ بنت چون کنن؟
گاجیان: زبرین سوجی کرتی - انون ماهیانی اقتصادیین پیدگ به مچان روش بوته پمیشا مچین به ای بارا دلگوشه کننت و انچین جاگه جوړه کننت که چلوک و کسانین ماهی شه آبا مه ماننت و په شری ساتنگ و مزن بنت.
بالاچ: خیر گندئ منی سرا پاچ آورتئ، شوپد جائیکه بگندین ماهی شه آپامنتگنت آوانا به آپارسینین که شه بی آپیا مه مرننت.

عزیزین واندده گان!

- ای سبخئ نوکین گالانا سیایگ بکنت
 - دو واندگ به رون نوکین سبخا بوانیت
 - پنج ډل بیت و هر ډلی په ماهی پیدگ و کتی باروا هبر بدنت.
- نا معنین ضمیر:** نا معنین ضمیر هما انت که لهتین کلیمه یک کس یا چیزی معنا رسیننت که معلوم و درا نه انت چو: یکی، هر، هرکه، چنتی، دیرپا، مچین، مچ، فلان، دگری، دگران، هیچکه، هر چی مچین چیز.

دو وانندگ به وتی جندی وش یکی گاجیان و آدگه بالاچ بارا شه کتابی دیما په برزین توارى بواننت.

- به ای سبخا نا معنین ضمیرانا ودی و به وتی کتابچهان بلکت.
- چیزیکه انون گشتکه بیت په جوانی بلکت و جائیکه لازم است ټک، کامه، سوالیه و ندائییه علامه بلت.
- سئ وانندگ په رون په ماهیانی ساتنی باروا هېرېدنت که اگه شه کمین آپا به جائیکه بازین آپ بیت برتگ بنت زندگه ماننت.
- شه ای سئ جملان یکی راست انت آیرا ودی ورندا به وتی کتابچهان بلکت.
- ماهی جاندارى که به حشکارا زندگيه کنت.
- ماهی آپین جاندارى که بید آپا زندگه نه مانیت.
- ماهی به کسانیا شه آپا جتا انت.

گسویین کار:

شه شما هر گجامی سئ سئ کشک په ماهی باروا به وتی کتابچهان بلکت.



چیزیکه انون گشتکه بیت په جوانی بشکنت ورندا جُستانی پسوا بگشت.

۱- ماهی به گجا زندگيه کنت؟

۲- ماهیې گوشت شه دگه حیوانانی گوشتا چه توپیر داریت؟

۳- پچی باید به ماهیې ساتنا دلگوش بیت؟

۴- جائیکه گندن آپ حشکه بیت و ماهی بی آبه ماننت چون کنن؟

۵- به آپیکه ماهی انت اگه تیل دارو کچتین چیز ریتگ بیت چونه بیت؟

- سی وانندگ په رون چیزیکه دیما شه جُستان گشتگ بوت یکوارد گه شه برېگشت.

- گون ای جالگي گالان جمله جوړ بکنت.

رود

بارین

تچکی

اشکن

وشین

سېخی بنیادین بزانتا "ماهی مزین اقتصادین پیدگ و کتی دارنت. ماهیې گوشت شه دگه هرچیا گهترانت. پمیشا به ماهیې ساتن و گیش کرتنا باز دلگوشه بیت" په رون په برزین تواری بوانت.

پر خطرین گوازی

مخسد:

واندگ بوانت و بلکنت. شه مهمات و ماینانی خطراسی بنت.
- به مهمات و ترکتنین چیزان دست مه جنت.



جُست:

۱- گون چیزیکه آیرا درست مه کنت گوازیه کنت؟

۲- مهمات و مینا درسته کنت چیاشت؟

بالاچ شیوارین زاگی به چارم صنفا سبخه وانیت. یکروچی که شه مکتبا کات به گسانی
نزیکیا دیست سئ کسانین زاگ، نه ترکتگین مهماتی راگون دسگی بسته و تی پدا کشه
دینت.

آپه باز شیواری اوشتات و وتی معلمی هبرانا به هوشا آورت که گشت: همیکه ماین یاتر
کتننین چیزی گندت دست مه جنت وشه آیی دور بیت.

زوت زاگانی سرا توارجت. زاگان! ادایایت آیرا بلت. زاگ جستنت و آتنت، بالاچ گشت: زانت آچی ات که کسه کرت؟ زاگ گشتنت: اما گون آیی گوازیه کرتن. بالاچ گشت: ایش پر خطرین گوازی انت هوش کنت نزدیکی مه ریت آترکتیین چیزى انت، شمئ جند وتی زندا گاره کنت و وت وترا بکوشه دیت، شه انچین چیزان وترابسات، دورا بوشت سیل کنت کسی آیرا دست مه جنت. من پولیسا سیه کنین. زوتی شت و پولیسا سی کرت. پولیس ای مهماتا زرت وبرت وشه بالاچ که زاگانا نه اشتت مهماتا گیشتر دست دینت و پولیسا سی کرت باز وشنودی روش کرت.

عزیزین واننده گان!

- ای سبخئ نوکین گالانا سیایگ بکنت.
- دو وانندگ په رون نوکین سبخا بوانیت
- سبخا کراری بوانت وای گالانی ضدا ودى کنت.

گنوکین

شت

رادگ بوت

نزیکا

اشت

آورت

- پنج دل بیت و هر دلی وانندگ په ماین و نه ترکتگین مهماتی خطرانی باروا گون وت هبربدیت.

هورین ضمیر: هورین (مشرکین) ضمیر هما انت که په متکلم، مخاطب و غایبا یک وړا کیت چو: وت، وترا، وتی، جند، جندی، جندش.

- سئ وانندگ ای سبخی یک یک باره په برزین توارى بوانیت.
- به ای سبخوا هورین « مشترکین » ضمیرا نا ودى کنت.
- چیزیکه انون گشتگه بیت په شری بلکت و جائیکه لازم انت ټک، کامه، سوالیه و ندائیه علامهانا بلت.
- سئ وانندگ په ماین و نه ترکتگین مهماتی باروا چیزیکه شه دگران تا انون اوشکته وزانت هبر بدنت.
- گون ای گالان جالگی اورکین جاگانا پربکنت .

ووتی

هبرانا

ماین یا ترکتنین

آپه باز شیواری اوشتات _____ معلمی _____ به هوشا آورت که گشت:
همیکه _____ چیزی گندت دست مه جنت و شه آیی دور بیت.

گسویین کار:

هر گجامی شه شما ای مطلبه به وتی کتابچهان بلکت. ماین و نه ترکتگین مهمات مرک
وتیئ سبیه بنت به آوان نزدیک مه بیت!

- چیزیکه انون گشتکه بیت به جوانی بشکنت ورندا جُستانی پسوا بگشت.
- ۱- به افغانستان به مړوجنگی سالان چی بازتنک بوته؟
- ۲- ماینانی درست کرتن و دیستن سک انت یا آسان؟
- ۳- ماین گیشترکی به گجا اشتکه بنت؟
- ۴- نه ترکتنین مهمات به گجا و دیه بنت؟
- ۵- چی خطر داریت؟
- سی وانندگ په رون چیزیکه دیما شه جُستان گشتگ بوت یکوار دگه شه برېگشت.
- به ای گالان یک یک جمله بلکت.

ماین

نه ترکتنین مهمات

کشیت


گوازی

سی وانندگ سبخی ای بهرا "....وتی معلمی هبرانا به هوشا آورت که گشت:
همیکه ماین یا ترکتنین چیزی گندت، دست مه جنت و شه آیی دور بیت". په رون برزین
تواری بوانیت.

گسویی و گیابانین حیوان

مخسد:

- واندگ بواننت و بلکنت. گسویی و گیابانین حیوانا درست کنت.
- گسویین حیوانانی ساتنی کټابزانت.
- په گیا بانین حیوانان تاوان مه رسنیت.



جست:

- ۱- چنت رازی حیوانا درسته کنت؟
- ۲- چنت گسویین حیوانی ناما گشتگه کنت؟
- ۳- چنت گیا بانین حیوانی ناما زانت؟
- ۴- شه گسویین مالان چی کټ گپتگه بیت؟
- ۵- گیا بانین حیوان که گوشتش پاک انت گجام انت؟

به امی وطن گسویی و گیا بانین حیوان بازانت. پس، بز، گوک، اشتر، غاتر، اسپ و حر گسویین حیوان انت، امی مردم به مالداریی کارا باز دسترسی واوند انت. شه مالانی گوشت شیر، پشم، کرک و پوستان به اما باز کټ و پیدگه رسیت. وحشین حیوان چو آهو، کوهین پس و بز و کرگوشک هم به وطنی پټ و گیا بان و کوهسراں بازانت که آوانی گوشت پاک و وارتنی انت.

دگه گيا بانين (وحشين) حيوان شیر، پلنگ، گرک، هوک، هپتار، شگال و روباه انت که اولسری پنچين حيوان رستر و باز پر خطر انت، بلی شگال و روباه باز تر سوک و چمباز انت. که شه بازين چمباز يا و ترا به دهانی مرگانی کلوندهان رسينت و چرپ و پزورين کروس يا ماده مرگانا برنت.

گسویی و گيا بانين حيوان باز کدرو ارزش دارنت پميشا جهانين پیمی په حیوانانی ساتنا دلگوشه بیت و به باز شاران و حشی باگ انت که مردم په آوانی سیلا رونت.

عزيرين واننده گان!

- ای سبخی نوکین گالانا سیایگ بکنت.
- دو وانندگ به رون نوکین سبخا بوانیت.
- سبخا کراری بوانت و ای گالانی ضدا و دی کنت.

گسوين

پزور

ترسوک

- پنچ ډل بیت و هر ډلی وانندگ گون وت په گسوين حیوانانی پیدگ و بروکتانی باروا هبردیت.
- هما حیوانانی نامانا به وتی هوشا بیارت ورندا به وتی کتابچهان بلکت که شه آوانی شیر، پوست، گوشت و پشم و کرکا کته گرن.

- سئ وانندگ ای سبخئ یک یک بارا په رون په برزین تواری بوانیت.
 - ای سبخئ جمعین گالانا ودی ورندا به وتی کتابچهان بلکت.
 - چیزیکه انون په شما گشتکه بیت به جوانی بلکت و ټک، کامه، سوالیه و ندائیه علامهانا جائیکه لازم انت بلت.
 - سئ وانندگ هماسئ چیزی ناما بگشیت که شه مالانی شیرا جوړ کرتکه بنت.
 - جالگئ جملا په جوانی بوانت ورندا اورکین جاگها پر کنت که پوره و بریر بیت.
 - پیدگ دارنت. آوانی شیر، گوشت و روگنا ورن و بهاکنن.
 - جملا نابوانت و همائیکه راست انت دیمی ص بلکت.
- انسان شه ای حیوانان پیدگ وکته گرنه

گسویین حیوانان	گیابانین حیوانان	هردوان

گسویین کار:

به گسا شه وتی کهولی باسکان په ایشی که شه مالانی بوستان چی جوړه کنن سوچ بکنت و چیزیکه اوشکت به وتی کتابچهان بلکت.

چیزیکه انون په شما گشتگه بیت په جوانی بشکنت ورندا جُستانی پسوا بگشت.

جُست:

- ۱- بالاچ و بیبرگ به چنتم صنفا سبخه وانت؟
- ۲- به راهها بیبرگ شه بالاچ چی جُست کرت؟
- ۳- چی چمباز و شیوارین حیوانی؟
- ۴- چی شه مردمانی گسان مرگانا بارت؟
- ۵- روباه به گجا زندگيه کنت؟
- سی وانندگ په رون چیزیکه دیما شه جُستان گشتگ بوت شه بریکوار دگه بگشت.
- پنچ ډل بیت و هر ډلی وانندگ گون وت هبربدیت که شه چیی پشمان جراب، دستکش، برک، ټپر، گوالگ، تورگ، کونټ و غالین گوپنت.
- ای جُستانی پسوا به وتی کتابچهان بلکت.
- ۱- شه مالانی پوستان چی جوړه کنت؟
- ۲- گجام مالانی شیر ورگی انت؟
- ۳- پچی اما ماله ساتن؟

آزاتی

مخسڊ:

- واندگ بواننت و بلکنٽ.
- بزائنت که آزاتی چی انت.
- هورین ضمیرانا کار مرزکرتگ بکنٽ.

وت وٽی جند جندی

جُست:

- ۱- کی آزاتی باروا هبر داتگه کنت؟
- ۲- کیه زانت که آزاتی چیا شنت؟
- ۳- وهدی که آزات بیت چیه کنت؟

آزاتی، آزات بوتنا شنت که انسانی زندگی براه و زیب انت که هیچ وړئ کیدو بندانه لوټیت. رازیکه وت وٽی آزاتیا وش دارن باید بزائن که دگه جاندار هم آزاتی و آزات بوتنا وش دارنت.

وړ وړئ مُرگ، بالی مرگ که به کِشار، نیزار واشکن وپټ و گیابان، باگ و باگچهان زندگی کنت و دگه جاندار آزاتیا وش دارنت و آزاتین ډولی شه یک جاگهی به دگه جاگها رونت و چاره کنت.

شما دیستگ بیت چگوگ و چلگ په باز سرو توار چی چی و پی پی کنان شه درچک
و دیوالانی سرا پره کنت یا نندنت بلی و هدی که به خفسی تنها کیده بنت وتی پر و با
نزلا به خفسا جنت و آپ ودانگا په جوانیه نه ورنه.
سببی ایش انت که گون آزاتیا خوگپتگنت همی راز که انسان گون آزاتیا خو گپته و آز
اتیا لوتنت دگه جاندار همه لوتنت. گشتکه کنن که بیدی آزاتیا زندگی سک انت.

عزیرین واننده گان!

- ای سبخی نوکین گالانا سیایگ بکنت.
- دو وانندگ په رون نوکین سبخا بوانیت.
- سبخا کراری بوانت ورندا شه جتاجتاین گالان مترادفین کلیمه جوړ و به وتی
کتا بچهان بلکت. گالانی یک باری به جدول و آدگه در انت آوانا و دی کنت.

وت واک	_____	۱- کیدو
بند	_____	۲- آزات و
شاد	_____	۳- گل و

- پنچ ډل بیت و هر ډلی په آزاتیی باروا گون وت کراری هبر بدنت.
- جالگی جواب په ای جُستا گشتگ بوتگنت هما یکینا که گون آزاتی و آزات بوتنا
جریت معلوم و به وتی کتا بچهان بلکت.
کسیکه آزاتیی کدرا زانت چونه کنت؟
- ۱- انسان ودگه بی ضررین جاندارانا پازا به نه کنت.
- ۲- هر چون دلی بلوتیت هما رازه کنت.

- سئ وانندگ ای سبخی یک یک بارا به برزین تواری بوایت.
- به ای سبخاوت، و وتی مشترکین ضمیر انت آوانا ودی ورندا شما هم یک یک جمله جوړ کنت که مشترکین ضمیری کلیمه داشتگ بنت.
- جالگی جملانا به وتی کتابچهان بلکت و همایی دیما (ص) حرفی بلت که شه ای سبخا هیل زرتگت.
- ۱- مرگ، بالی مرگ، چلگ وچگوگ آزاتیا وش دارنت، اما به آوان ضرره نه رسین به خفسا نه پرین و کیده نه کن.
- ۲- مرگ ووش توارین بالی مرگانا به خفسا کیده نه کن و نه پرین.
- گجام یکین جوان انت؟ اولی، دومی یا هردوین .

اولی	دومی	هردوین

گسویین کار:

هر گجامی شه شما په آزاتی و آزات بوتنی کدري باروا سئ کشک به وتی کتابچهان بلکت و په وتی کهولی باسکان بوانت و اگه به شما گیشتر معلومات دانگه بوت بشکنت.



چیزیکه انون گشتگه بیت په جوانی بشکنت ورندا جُستانی پسوا بگشت.

۱- گون آزاتیا چه بریره بیت؟

۲- مگه تانکا انسان آزاتیا وش داریت؟

۳- کئ کیدو بنداوش داریت؟

۴- بی کیدو بندین زندگی چه انت؟

۵- په وش کشین کمربی مرگا طلایین خفس و جوانین آپ و دانگ جوان انت یا آزاتی؟

- چیزیکه دیمترا اوشکتت یکوار دگه شه برېگشت.

- گون ای گالان یک یک جمله رد و بندبکنت.

آزات

وش

کید و بند

خفس


جاندار

سېخی بنیادین بزانتا "آزاتی، آزات بوتنا شنت که انسانی زندگی براه و زیب انت. رازیکه وت وتی آزاتیا وش دارن دگه بی ضررین جاندارانی آزاتیا تاوان مه رسینن" په رون به برزین تواری بوانت.

زیرگ

مخسّد:

- واندگ بوانت و بلکنت. زیرگا درست کنت. زیرگئی کار گرگی ډولا بزانت.



جست:

۱- زیرگا درسته کنت چونین بلگ و دانگ داریت؟

۲- زیرگ چه و هدا کشتگه بیت؟

۳- شه زیرگا به چیوا کار گیتگه بیت؟

زیرگئی کشتنی و هده به گلی کشارئ وختا انت. زیرگ هم چوگله و دانگئی وړا به ډگارا کشتگه بیت که شه کشتن تا برو حاصلی رستنا یکسال وخته گیت به نرم و ریکین ډگا را که آپ داشتگ بیت گهتر زیرگ حاصله دنت.

زیرگئی ریشگ تچک و بارگ انت. زیرگی بالادشه ریشگا برزکایی کمتر شه گلی بالا دا انت، بلگی بریتگ، اورت و بارگ انت و به برو حاصلی نزدیکیا سپیتین کسانین پله کنت. زیرگئی دانگ اورت و وشبو انت.

شه زیرگا په پلو و آش و رشته یی و شبویی و تامدار کرتن و لهتین دارو دواي جوړ کرتنا کار گپتگه بیت.

عزیزین وطن افغانستانی ډگار، آپ و هوا په زیرگی کشارا بازجوان انت و وطنی کشارگر به گله و دانگی کشارگری پانا دا زیرگ همه کشتت به گوستگین سالان زیرگی برو حاصل آنکس بازات که هر سالگ بازین زیرگی به درملکان په بها دیم داتگه بوت.

عزیزین واننده گان!

- ای سبخی نوکین گالانا سیایگ بکنت.
- دو وانندگ به رون نوکین سبغا بوانیت.
- ای سبغا کراری بوانت و جالگی گالانی ضدا شه تهی و دی بکنت.

سک

زنډ

سیائین

بدبو

جالکایی

- پنچ ډل بیت و هر ډلی وانندگ گون وت په زیرگی باروا هبربدیت.
- جالگی گالانا په شری بوانت ورندا په جملانی اورکین جاگهان گچین و به وتی کتابچهان بلکت.

به گله ای

گله ای

یکسال

زیرگی کشتنی و هده _____ کشاری وختا انت. زیرگ هم چو _____ وړا به ډگار کشتگه بیت که شه کشتن تابرو حاصلی رستنا _____ وخته گیت.

- سئ وانندگ ای سبخی یک یک بارا به برزین تواری بوایت.
- چیزیکه انون گشتکه بیت په شری املا بلکت و جائیکه لازم انت ټک، کامه، سوالیه و ندائیه بلت.
- به جالگی جملانی اورکین جاگهان یکی شه ای گالان گچین و آوانا پوره بکنت

لټ

زیرگا

زیرگی

- ۱- _____ ریشگ ټچک و بارگ انت.
- ۲- زیرگی _____ سبزین رنگی داریت
- ۳- شه _____ په پلو و آش ورشته یی وشوویی و تامدار کرتنا کار گپتکه بیت.

گسویین کار:

هر گجامی شه شما ای سبخی دومی بارا به وتی کتابچهان بلکت.



- چیزی که انون گشتگه بیت په جوانی بشکنت ورندا جُستانی پسوا بگشت.
- ۱- چی باز پیدگ داریت؟
- ۲- کشارگر به چیا گت انت؟
- ۳- کشارگر به سالی اولی بارا چیه کشیت؟
- ۴- کشارگر به سال دومی بارا چیه کشیت؟
- ۵- کشارگر بیدی کشارو پالیزا چیه کنت؟
- سئ وانندگ چیزیکه دیما شه جُستان گشتگ بوت یکواردگه شه بر بگشت.
- به ای گالان یک یک جمله جوړ بکنت

کشتگه بیت

ریشگ

وشبو

- به ای جملی پوره کرتنا یکی شه جالگی گالان راسته کیت آیرا ودی ورندا به وتی کتابچهان بلکت.
- شه زیرگاه په _____ پکتن و لهتین دارو و دواهانی جوړ کرتنا کار گپتگه بیت.

پلو و آش ورشته یی

دوگی

کشکی

سول و نیک بختی

مخسډ:

- واندگ بوانت و بلکنت.
- سولی کدرا بزانت.

جُست:

- ۱- سول چی انت کئ گشگه کنت؟
- ۲- سول چی جوانی داریت؟
- ۳- کئ په سولا اړانت؟

سولی توار

یکوی و براسیئ
آسودگی آرامیئ
نه توپ و بمانی توار
نه ټینک و دور جنین هتیار
نه مرک و هونئ ریچگنت
نه ماس و گهاری مودگنت
هم دوستی و محبت انت
منی هندو منی سکونت انت
شه هلک و لوگان و دیار
نا سریدیا لږو بار
زیانه کین جورین نپاک
هر روچی گیشتر توک و واک
لوچ پوشتگ گشنگ بی سیر

توار منی انت دوستیئ
په سیاو سپتایک وړا
نه جنگی دوت سیاهین گبار
نه جټ و غولین بمگوار
نه شهرو هلکی سوچگنت
نه زور و ظلم و براس کشی
منی سیایگاسعادت انت
انسانی دو ستانی دلا
شه آدمیئ سرډگار
گون علم و زانتا من دین
دستاگرین په ټپاک
براسی در چکامن دین
هر جاکه گام بیت منی ایر

نه زنگ آوه و داد بیت نه دشمنی بیت نه بیر
هرکس و تی بی واجه کار دستی وتی بی کار و بار
مچ آدمی گووت بینت
نزیك چو براس و گهار

(عبدالرحمن پهوال)

عزیزین واندنه گان!

- ای سبخئ نوکین گالانا سیایگ بکنت.
- دو واندگ په رون نوکین سبخا بوانیت.
- پنچ ډل بیت و هر ډلی گون وت په ای شئیری بارواکه په سولا گشتگ بوته هبرېدنت.
- شه هر ډلی یک یک واندگ په رون په سولئ کدرئ باروا هبرېدنت.
- جالگئ مطلباً بوانت و یکی شه دو جملان که گون مطلباً جریت مالوم و به پانادی(ص) حرفا بلکت.
- به هروطنی آباتی، کشت و کشار، کارخانه، سوداگری وروگ و آیگئ کاروختی په شری تسرستگه کننت و مردم آرام ونیک بخته بنت که او دا
- ۱- مروجنگ بیت.
- ۲- سول وامن بیت.
- گشتگه کنت که مروچین سبخ جالگئ گجام یکین سرگالی باروا ات.

مکتب

آپ و آپداری

مُرگانی ساتن

سول

سئ واندگ په رون ای سبخئ یک یک باره په برزین تواری بوانیت.
- به ای شیرا توار دارین حرف گجام انت.

هرجا که گام بیت منی ایر
لوچ پوشتگ گشنگ بی سیر
نه زنگ آوه و داد بیت
نه دشمنی بیت نه بیر

چیزیکه انون گشتکه بیت په شری بلکت و جائیکه لازم انت ټک، کامه، سوالیه و ندائیه
بلت.

- گون یکی شه جدولی گالان جالگی جملانا پوره بکنت.

کشارگر
سوداگر
کارگر
آباتی و سرک

به سول وامنا _____ گهتر کاره کنت.
به سول وامنا _____ گهتر کشاره کنت.
به سول وامنا _____ گهتر کاره کنت.
به سول وامنا _____ گهتر جوړه بنت.

گوبین کار:

شیرا که به مروچین سبخا و ننت به وتی کتابچهان بلکت و مانای په وتی دوستان بگشت.

- چیزیکه انون گشتگه بیت په جوانی بشکنت ورنډا جُستانی پسوابگشت.

۱- خیر به چیا انت؟

۲- سول چیه کاریت؟

۳- ترخی و دیماروگ به چونین جاورو حالتی و دیه بنت؟

۴- مروجنگ چي و دیه کنت؟

۵- مردم چیه لوټنت؟

۶- مردم شه چیا بده برنت؟

- سی واندگ چیزیکه دیماشه جُستان او شکنت یکواردگه شه بر بُگشت.

گون ای گالانی لکتنا جالگئ جملانی اورکین جاگهانا پوره بکنت.

بیرانی آرامی

مرک دیماروگ

ډکالی نیک روچی

مروجنگ بیدی _____ و خرابیا کتی نه داریت. مروجنگ _____ و _____.


ونیسگاریه کاریت. سول _____ وخیره کاریت، _____ و _____ سولی بروکت

انت.

پاکین آب

مخسد:

واندگ بوانت و بلکنت. پاکین آپی پیدگا بزانت.



جست:

- ۱- به برزگی عکسا چیوه گندت؟
- ۲- گجام آپانا پاک گشتگه کنن؟
- ۳- بید وارتنا شه آپا چه کار گپتگه بیت؟

یکی شه خدا "ج" باز مزن و جوانین نعمتان آپ انت که به باز ډولان و دیه بیت. چو: چمگی آپ، رودی آپ، کاریزی آپ، چاهی آپ و دگه که مچین باز کدر دارنت، اگه آپ مه بیت کشت و کشار و با گداریه نه بیت، انسان و حیوان بید آپا زندگه نه مانت. باید هر کس آپی کدرا بزانت و آپانا پاک بسایت، اگه آپ پاک ساتگ مه بنت و گون میکروبان کچت بنت پیدگی جاگها په مردما تاوانه رسینت. انسان اگه گوند انت یامزن په پاکین آپا اړانت اگه آپیکه ورن پاک مه بنت اماره نا جوړه کننت.

آپ گون لار داتناهم پاڪه بيت و لهتين جاگهان كه جوانين آپ نه انت ديماشه وارتنا
 آپاجوان لاره دينت كه ميكروب زيان بنت. به هر جا گهي كه زنده گوازينن بايد آبي
 كدرا بزائن و ميلن كه آپ ككر و كچت بنت شه كچتيا آپ ميكروبه گرت وانچين آپ
 انساني دشمن انت كه شه ميكروبا انسانا گون وړ وړي ناجور يا ديم به ديمه كنت.

عزيزين واننده گان!

- ای سبخی نوکین گالانا سیایگ بکنت.
- دو واندگ په رون نوکین سبغا بوانیت.
- به ای سبغا چار ډولی آبی نام گپتگ بوته، چار ډل بیت و هر ډلی په یک ډولی آبی باروا هبر بدنت.
- شه ای جدولی تنها یک یک کلیمه په جالگی جملانی اورکین جاگهان گچین و آوانا پوره بکنت.

کشار کری آپ لار

- ۱- گه آپ مه بیت _____ و با گذاریه نه بیت.
- ۲- نا پاکین _____ انسانی دشمن انت.
- ۳- په آبی پاک کرتنا آبی _____ داتن پیدگ داریت.

- سئ وانندگ ای سبخئ یک یک بارا په برزین تواری بوانیت.
- به ای سبخا مچین و هر کس کلیمه نا معنین ضمیرانت آوانا و دی و هر گجا می شه شما یک یک جمله جوړ کنت که ای کلیمه به آوان بئیت.
- چیزیکه انون گشتکه بیت په شری بلکت و ټک، کامه وسوالیه علامهانا جائیکه لازم انت بلت.
- چنت ډولئ آپی نام گپتکه بیت شما هر گجا می باروا فکر بکنت ورندا په ایشی که گجام پاکین آپ انت په ډول یکی آدگرئ پدا بلکت.

رودئ آپ

کاریزئ آپ

نلئ آپ

چمگئ آپ

چاهئ آپ

گسویین کار:



هر گجا می شه شما په پاکین آپیء باروا سیء کشک به وتی کتابچهان بلکت و شه وت کسان ترانا په آپی پاک ساتنا سوگه بکنت.

- چیزی که انون گشتگه بیت په جوانی بشکنت ورندا جُستانی پسوا بگشت.

۱- گجام آپانا پاکین آپ گشتگه کنن؟

۲- پچی آپا جوش ولاړه دینت؟

۳- اگه آپ پاک مه بیت چونه بیت؟

۴- نا پاکین آپ چه تاوانی داریت؟

۵- پچی باید مچین په آپي پاک ساتنا دلگوش بکنن؟

- سئ وانندگ په رون چیزیکه دیما شه جُستان گشتگ بوت یکواردگه شه بر بگشت.

- گون جالگي گالان یک یک جمله جوړ و به و تی کتابچهان بلکت.

کدر

کچت

پیدگ

لاړ

وړوړی

سئ وانندگ په رون سبخئ ای بهرا» یکی شه خدا(ج) جوانین نعمتان آپ انت که باز ډولان وديه بیت. چو: چمگي آپ، رودئ آپ، کاریزئ آپ، چاهئ آپ ودگه که مچین باز کدر دارنت، اگه آپ مه بیت کشت و کشارو با گذار یه نه بیت انسان و حیوان بیدی آپا زندگه نه ماننت» بوانیت.

بشري حک

مخسد:

واندگ بوانت و بلکنت و بشري حکابزاننت و احترام بکننت.



جست:

- زانت که بايد کي احترام بيت؟
- جوانين سلوک گون کيء بيت؟
- انسان به انسانانی سراچه حکي دارنت؟

نا کوپيرداد امي هلکي سپي ريشي انت. آکه هر وهدا گوندين زاگانا جوانين پنته دنت اي واري اماره نز آورت و سوچ کرت زاگان بشري حکاني باروا چيزي زانت. رحيمداد که شيوار و سرپدين زاگي انت پسودات و گشت: ناکوجان من اي هبرا چنت وار او شکتگون مگه آنکس نه زانين مني هوشا ات که شه ته سوچ کنين انون دگه په امابگش که بشري حک چي انت؟

نا کو پیرداد شه رحیمدادی هبروش بوت و گشت: جوان بشکنت زاگان! حک بار عدل و انصافا گشت و انسان که به جامعا زندگيه کنت به یکی آدگری سراحک دارنت. باید یک آداگرا په برزین چمی بگندنت و عزت بکنت و شه یکی آدگرا ضرر و تاوانی مه گندنت.

به اجتماعین زندگیا توپیرنه انت، هر که په دگران گهترو گیشتر خدمت کرتک بکنت جوانین سلوک و مرد مگری واوند بیت په مچان احترامی و ږانت. باد هوایی ووتراشه دگران برزتر زانتن، وت لوټوکی ووت پسندی جایه نه گیت.

باید کوششت بکنن که مچین انسانانی حکاپه برزین چمی بگندن و بزنانن که همارازیکه امی حک و نپ و کټ په اما کدر ورو داریت، دگرانی نپ و کټ هم په آوان رو و کدر داریت و نه باید دگرانی حک و نپ و کټا تاوان برسیت.

عزیزین واننده گان!

- ای سبخی نوکین گالانا سیایگ بکنت.
- دو وانندگ په رون نوکین سبخا بوانیت.
- انون ای نیمگین جملانا به و تی کتابچهان بلکت. به هر جملی چیرا چنت کلیمه داتگ بوته، یکی شه آوان په جملی اورکین جاگها گچین و جملانا پوره بلکت.
- ۱- انسان که به جامعا زندگيه کنت _____ سراحک دارنت.

وطني سرا

به یک آداگری سرا

- ۲- باید کوششت بکنن که مچین _____ حکانابه برزین چمی بگندن.

- انسانانی

- کسانانی

- مزنانی

- سئ واندنگ ای سبخئ یک یک بارا په برزین تواری بوانیت.
- هر که، دگران، مچان نا معنین ضمیرانت په هر گجا می یک یک جمله جوړ و به وتی کتابچهان بلکت.
- چیزیکه انون گشتکه بیت په جوانی بلکت و جائیکه لازم انت ټک، کامه، سوالیه و ندائیه بلت.
- سئ واندنگ په رون چیزیکه شه ای سبخا په بشری حکانی باروا زرتگیت په وتی دگه همراهان بگشیت.
- شه ای گالان په جالگی جملانی اورکین جاگهان گچین ورندا به وتی کتابچهان بلکت.

- سپی ریشی

- گوندین زاگانا

- ای واری

- بشری حکانی

- ناکو پیرداد امی هلكی _____ انت. آكه هرو هدا _____
- جوانین پننه دنت _____ اماره نزاوړت و سوج كرت، زاگان _____ باروا
- چیزی زانت.

گويين كار:

ای سبخا به وتی کتابچهان بلکت و په وتی کهولی باسکان بوانت.

چیزیکه انون گشتگه بیت په جوانی بشکنت ورندا جُستانی پسوا بگشت.

جُست:

- ۱- کیچی گوازی به چه و هدا گون چیايت؟
- ۲- کیچی گوازی تا نکایی انت یا یگجایی؟
- ۳- کیچی هلوکا کیء دورا الغچه دنت؟
- ۴- چی وهدا نمره دانگه بیت؟
- ۵- دمیکه شه یک ډلي نیمگا هلوک به دگری دستا بکپیت آدگه ډلي زاگ چونه کننت؟
- سیء وانندگ په رون چیزیکه دیماشه جُستان په کیچی گوازیی باروا او شکنت یکوار دگه شه برېگشیت.
- شه ای گالان جمله جوړ کنت.

ناکو پیرداد

شیوارو سرپد

اوشکتون

- سیء وانندگ په رون سېخی بنیادین بزانتا «حک، بار، عدل و انصافا گشت انسان به جامعا به یکی آدگرئ سراحک دارنت. باید یکی آدگرا په برزین چمی بگندنت و عزت بکننت و په یک آدگراضرر و تاوانی مه رسیننت» په رون په برزین تواری بوانت.

جوانين همراه

مخسد:

واندگ بوانت و بلکنت جوانين همراها بزانت و سوجين صفتا درست کنت



جست:

۱- همراه چيا شنت؟

۲- جوانين همراه گجام انت؟

۳- جوانين همراه گون وت چونين سلوكي دارنت؟

شاهدادو جارو جوانين همراه انت ، اي دو کين همراه به يک هلکا زندگي و به يک مکتب و صنفا سبخه وانت. ايش يگجا مکتبا رونت و کايانت. شاهدادو يکي آدگر و وتي هم صنف و معلماني احترامما دارنت. به وتي سبخان کوشسته کنت پميشا پوه و سر پدين واندگ انت معلم و مکتبي اگده دارشه ايشان بازوش انت و مدام ايشاني ناماپه نيکيه گرنت.

اي دوکين همراه به گوازي و ورزشاهم يگجا انت. لهتين و هده ديم ديگرا به وتي هلکي
 نزیکي ميدانيا په توپ گوازي رونت. ديماشه توپ گوازي ائ ميداني درچک و نهالانا آبه
 دينت. ايش بازوختان گون يکي آدگرا کمک و مدته کنت.
 شاهداد و جارو به وتي هلکي مردماني تها وشين نام و تواري واوندانت و مچين شه ايشان
 وش انت و مدام ايشاني جواني هبرا دينت.

عزيزين واندۀ گان!

- اي سبخي نوکين گالانا سيايگ بکنت.
- دو واندگ په رون نوکين سبخا بوانيت.
- انون جالگي نيمگين جملانا به وتي کتابچهان بلکت به هر جملی جالگا سي پسو
 داتگ بوته شه سبخي ديماما پساوا که جملا په جواني پوره کنت به اورکين جاگها
 بلکت.

شاهداد و جارو _____ انت.

۱. جوانين براس
 ۲. جوانين همراه
 ۳. جوانين همپل
- لهتين وهده ديم ديگرا به _____ په توپ گوازي رونت.

۱. به وتي مکتبي ميدانيا
 ۲. به وتي گسي ميدانيا
 ۳. به وتي هلکي نزیکي ميدانيا
- ايش بازوختان گون يکي آدگرا _____ کنت.

۱. کت و باسه
۲. چم هم چميه
۳. کمک و مدته

- سئ واندگ ای سبخئ یک یک بارا په برزین تواری بوانیت.
- سوجیین صفت : هما کلیمه که دیماشه ناما به سوجیین جملا کیت وپسوی صفت
انت سوجیین صفت گشتگه بیت. چو: چون، چه وړا، چه ډول و....
مثالی وړا چونین کتاب : جوانین کتاب
چونین انار: سورین انا
چونین گوک: پرکین گوک
شماشه ای سبخا ای جُستانی (سوجانی) پسواودی کنت
چونین همراه:
چونین واندگ:

- پنچ ډل بیت وهر ډلی په جوانین همراهی باروا گون وت هبر بدیت.



هر گجامي شه شما په جوانین همراهی باروا چارکشک به وتی کابچها بلکت.



چیزیکه انون گشتگه بیت په جوانی بشکنت ورندا جُستانی پسوابگشت؟

۱- جوانین همراه په یکی آدگرا چیوه لوټنت؟

۲- کی شه کی گلگی حکاداریت؟

۳- به جوانین همراهیا چه نه انت؟

۴- جوانین همراه گون یکی ادگرا چه کننت؟

۵- جوانین همراه چه وختا زانتگه بیت؟

- سی وانندگ په رون چیزیکه دیماشه جُستان گشتگ بوت یکواردیگه شه بر بگشیت.

- جالگی جملانابه وتی کتابچهان بلکت ورندا په هر جملی یکی شه جدولی گالان

گچین و جملا پوره بکنت

۱- شاهدادو جارو _____ همراه انت.

۲- ایش به یک _____ زندگی کننت.

۳- ای دوکین همراه به _____ ورزشا هم یگجا انت.

۴- _____ شه توپ گوازی میدانی درچکانا آبه دینت.

هلاک

جوانین

کوازی

دیما

حرامه نه مانیت

مخسډ:

- واندگ بواننت وبلکت.
- حراما درست کنت هورین (مشرکین) ضمیرا بزانت.

وت وتی وترا

جُست:

- ۱- حرام چياشتن؟
- ۲- کسيکه حرامه وارت به مردمانی ديما چون انت؟
- ۳- پچی بايد و تراشه حراما بساتن .

مردمئ پت و عزت به آیی جندئ دستا انت. آکه سدک و راستیه کنت و پاک و حلالین روزی دستا کاریت و شنام زندگيه کنت و اگه بیدی حک په چم ولیم، زورانسری و پل ولت مال و چیزی واونديه کنت. ای هرچونین مالی بیت وشه هرکس گپتک بیت په آیی روانه انت.

کسيکه حرامه وارت وت وتی زندگيا خرابه کنت، مچین آیرا په سبکین چمی گندنت. اگه کسی به چیزی زیتن وبها کرتنا حرامه وارت و یا به پل و لت و دزی مالی و چیزی دستاکاريت بزانت که مال په آیی موندی نه داريت و شه دستيه روت.

متلی انت که شنت : حرام شه هما راها که آته پدا روت. دگه باز جوان انت که و تراشه
 حرامین مالا دوربساتن ووشنام و جوانین زندگی فکراین و و تراشه کاریکه کرتنی گناه
 داریت وشه چیزی که وارتنی په اماروانه انت دوربساتن.

عزیزین واننده گان!

- ای سبخئ نوکین گالانا سیایگ بکنت.
- دو وانندگ په رون نوکین سبخابوانیت.
- ای سئ جوابا بوانت ورندا بگشت که گجام حرامین مال انت.
- ۱- مالی که په چم ورپینگ دستا آتگیت.
- ۲- مالی که په زور و دزی دستا آتگیت.
- ۳- مالیکه به زیتن و بها کرتنا شه سنگی کم داتنا دستا آتگیت.
- گجام یکین حرام انت به دیمی ص بلکت.

	اولی
	دومی
	سومی
	هرسین

- پنج ډل بیت و هر ډلی گون وت په ای سوجین صفتانی پسوی باروا هبریدیت و
 پسوا که خرابین مالی و جوانین مالی به هر گجامی دیما بلکت.

حرامین مال چونین مالی:

حلالین مال چونین مالی:

- سی وانندگ ای سبخی یک یک بارا په برزین تواری بوانیت.

- به ای سبخاوت ، وتی و ترا هورین (مشرک) ضمیرانت هر گجامی کارمرز بوتنا که به فاعلین حالتا وت وتی و به مفعولین حالتا و ترا لکتگ بوته په جوانی بوانت ورندهمی جملانا به وتی کتابچهان سیایگ بکنت.

- چیزیکه انون گشتگه بیت په شری بلکت و جائیکه لازم انت، ټک، کامه، سوالیه و ندائییه علامهانا بلت.

- سی وانندگ په کلپی گری و حرامکاری خو وتبی گندگی باروا به صنفی دیما هبر بدنت.

- شه ای گالان جالگی جملانی اورکین جاگهانی تهابلکت و آوانا پوره بکنت.

روا

حلالین

پت وعزت

مردمی _____ به آیی جندی دستا انت. اگه _____ روزیا دستا کاریت

وشنام زندگیه کنت. حرامین مال په مردما _____ نه انت.

- په حرامین مالی با روا گجام متلا، به ای سبخا وانت آیرا و دی و به وتی کتابچهان بلکت و شه برکنت.

چیزیکه انون گشتگه بیت په جوانی بشکنت ورندا جُستانی پسوابگشت.

- ۱- بعضی داندگ بلوچیی لبزانکی اولی تاریخی دوری بنا بو گا گجام سال گشتگت؟
- ۲- به گجام دور و زمانگا بلوچ به مکرانا هنکین گپنت؟
- ۳- به ای دورا بلوچین شاعر باز شیر گشتگت یا کم؟
- ۴- گجام دوره ی شیر نز نیاورنگ و سیایگ نه بوتگت؟
- ۵- ای دوره تا کی وختا دوام کرت؟
- سئ وانندگ په رون چیزیکه دیماشه جُستان گشتگ بوت یکوار دگه بگشیت.
- گون ای گالان جمله جوړ و به وتی کتابچهان بلکت.

سبکین چمی

حلالین

موندی

آته

وشنام

گسویین کار:



هر گجامی شه شما سئ سئ کشک په حرامین مالی باروا به وتی کتابچهان بلکت

شه پسا کاګدی

مخسډ:

- واندګ بوانت و خط و کاګدی لکتنا بزانت.
- معین و نامعین ضمیرانا درست کنت.

ایش آ هرکس هیچکس مچین

جُست:

- ۱- خط و کاګدی لکتن و په دوستان دیم داتن چه پیدګی داریت؟
- ۲- تانن شمایه کسی کاګدی دیم داتګت؟ په کئ
- ۳- تانن کسی په شما کاګدی دیم داتګیت؟ کئ

افغانستان - کابل

کارته ۴ - لوګ نمبر ۱۵

غازی لیسئ پانادا

منی پرزند کریمداد!

(اسلام علیکم)

امیت انت ته وکھولی دګه باسک و مچین دوست، وتی و سیاد دُرا وجوړیت وګون
وشین سرودلی زندبګوازینت، منی سلامانا په مچان برسین، تا ای کاګدی لکتنی پاسا دُراو
جوړون.

دیری انت که شمی سوچ نه رست اولی وارانته که کاګدی دیم داتئ ، همی راز اګه
هیچکس نیات وتی کاګدا به ډاکا په من دیم دی.

شه روچیکه ناکو مدت ادا آته وتی کاگدا آورته آیرا یکوار دیستگون، کول دات یکروچ دیماشه شتنامه منیاکیت. چیزی که ته لوپتگی زینین و په ته به دستی دیمه دین. کتره ایکه گون من گندوندرت شه ته وتی براسانی کامیایا په من نکل کرت وکلزوری دات که شما براس وگوار به آزمایگان سره ین درجه گپتگت. شکره کشین په ای دم و پاسا.

زاگ و جنک پس و ماسی دلی واهگ انت اگه ماس وپسی هبرامننت مدام وشنام و سوبینه بنت، شمی ای سوب و سربری هم امی هبرانی اوشکتی نتیجه انت. به ای زوتیان منی کار الاسه بنت و تانوکین ماهی بیستا په خیری کائین.

خدا حافظ

شمی دلسو چین پس میرداد

عزیزین واننده گان!

- ای سبخی نوکین گالانا سیایگ بکنت.
- دو وانندگ په رون نوکین سبغا بوانیت
- پنج دل بیت و هر دلی وانندگ گون وت ای سبخابوانیت و په یکی آدگرا بگشیت.
- معین و نامعنین ضمیر:
- معین ضمیر آنت که نامی جاگها کیت وشه نامی پدوارگین گشتنادیمگیریه کنت چو:
- احمد آت. آ تی کاگدا په من آورت. مرادشت آوتی براسا گون وت برت
- نامعنین ضمیر: آ انت که نامی جاگها کیت وکس یا چیزی را نامعنین ډولی بیانه کنت چو: هرکس، هیچکس، دیری، مچین
- چو: مردم رونت و کاینیت هیچکسا درسته نه کنین.
- هرکس که آت په ته کلوکنین
- دیری نیاتگیت
- مچین سی دارنت.
- دو وانندگ به رون یکی په معین ضمیر و آدگه په نامعنین ضمیرا یک یک جمله بگشت.

- سئ وانندگ په رون ای سبخئ یک یک بارا په برزین تواری بوانیت.
- سبخابوانت و نامعنین ضمیرانا معلوم ورندا به وتی کتابچها بلکت.
- چیزیکه انون گشتگه بیت په جوانی بلکت و جائیکه لازم انت ټک، کامه، سوالیه وندائیه علامهانابلت؟
- په ای جُستا به جالگا دوپسو لکتگ بوته آیرا معلوم وبه پانادی (ص) حرفی بلکت ناکومدت میردادا چی کلا زوری دات؟
- په ایشی که آیی کشت و کشارئ برو حاصل گیش بوته
- په ایشی که آیی بچک و جنک به مکتبا شه مچان سرئ درجها گپتگنت
- جالگی جملا بوانت و پسو بدیت.
- په ایشی که امی کاگد په کسیکه راه دین په جوانی برسیت
- ۱- دس نشان روش و مالوم بیت
- ۲- کاگد په شری لکتگ بیت
- گجام یکین ضرور انت به دیمی (ص) بلکت

اولی	دومی	یا هر دوین

گسویین کار:

ای سبخا به وتی کتابچهان بلکت و دو وار په وتی کهولئ باسکان خاص وتی براس و گواران بوانت.

- چیزی که انون گشتگه بیت په شری بشکنت ورندا جُستانی پسوا بگشت.

۱- زاگانی نزیك و دلسوچین حکدار کئی انت؟

۲- جتایی شه ماس و پسا چون انت؟

۳- زاگانا کي جتایی و دوریه تورینیت؟

۴- چی هیچبر شه زاگانی فکرانه روت؟

۵- آکي کولا کر تگنت که سوین ووشنام بوتگنت؟

- سئ وانندگ په رون چیزی که دیماشه جُستان گشتگ بوت یکواردگه شه برېگشت.

- په ای گالان یک یک جمله بلکت

سرودل

برسین

حال و بود

کول داته

زینین

کلازوری

- سئ وانندگ سبخئی ای بهرا «امیت انت، ته وکھولئ دگه باسک، دوست و سیاد دُرا و جوړییت و گون وشین سرودلی زندبگوازینت» په رون په برزین توارئ بوانیت.

کشت و کشار

مخسد:

واندگ بوانت وبلکنت و کشت و کشاری کدرا بزاننت ونسبتین صفتا درست کنت.



جست:

۱. به عکسا چیه گندت؟
۲. کدین یک وطنی ترخی و دیمیره کنت؟
۳. کدین یک ملکی مردم آرام و آسودگه بنت؟

کشت و کشار ترخی و دیما روگی بنیاد زاننگه بیت، هر چنکس که په کشت و کشارا دلگوش بیت و کشارگیری بروکت برز بروت همانکس ترخی و دیمیره کنن. امی زحمتکشین هم وطن - کابلی، هراتی، مزاری، بدخشانی، ننگرهاری، پکتیایی، بامیانی، کندهاری، هلمندی، نیمروزی و دگه شه بازغدیما به کشارگریا برزین دستی واوندانت. امی وطنی حاک، آب و هوا په کشت و کشارا جوان انت.

به دیمی و هدان کشارگرگون کوگ، غاتر، حر و ا شتر النگاره کرتنت که انگته هم به لهتین جاگهان شه گوگ ورخت و جُغ و مالگا په ډگاری لنگارا کار گپتگه بیت. انون به زندگی جتاین باران بدل بوگ و دی بوتته و به وړوړی کاران آسانی و آساک و دی بوتگیت.

گون علم وزانگی برکتابه کشت و کشاری کاران هم بازبدل بوگ آته په کشت و کشارشه ماشین و وسیله تومیین گله، دانگ و کیمیا وین حشمان کارگپتگه بیت که به بروحاصلی گیش بوگا باز پیدگ دارنت.

عزیزین واندېه گان!

- ای سبخئ نوکین گالانا سیایگ بکنت .
- دو واندگ په رون نوکین سبخا بوانیت
- سبخا کراری بوانت وای گالانی ضدا و دی بکنت.

کم

خراب

غدیم

- پنچ ډل بیت و هر ډلی واندگ گون وت په کشارگری که گون گوکابیت هبربدیت.
- په ای جملاسی جواب انت همایرا که پوره و گهترشه میچان انت معلوم کنت.
- په لنگا راگون گوکا شه ای وسیلان کار گپتگه بیت.

۱- رخت

۲- رخت و جُغ

۳- رخت، جغ و مالگا

- سی واندگ ای سبخی یک یک باراپه برزین تواری بوانیت.
- نسبتین (سیادین) صفت یک کسی یا چیزی نسبتا روشه کنت چو: چخانسوری، چاربرجکی و.....

شما ای سبخی نسبتین صفتانا و دی بکنت که گجام کلیمه انت.
 - سی واندگ په رون یک یک نسبتین جمله بگشت.
 شه هما وسیلان که په لنگاراگون گوکا کار گپتگه بیت به جالگا نام گپتگ بوته شما
 مالوم کنت و بگشت که بیدی ایشی گون چیانگاره بیت. که به کمین وختی بازین
 پگاری په آسانی کشتگه بیت
 رخت، جغ و مالگ
 تراکتور و ماشین

گسویین کار:



ای سبخا به وتی کتابچهان بلکت وبه آیو کین روچا به وتی دگه همراهانی دیما
 په کشت وکشاری باروا چیزیکه زرتگت هبربدت

- چیزی که انون گشتگه بیت په جوانی بشکنت ورندا جُستانی پسوا بگشت.

۱- چی بنیادمی براه وزیب انت؟

۲- کشارگر به چیا گت انت؟

۳- پچی کسیکه کاره کنت نه زانت که روچ چونه گوزیت؟

۴- کشارگر په کئی پیدگه رسینت؟

۵- گشن و ډکالی به کي گسا راه ودی کرتگه نه کنت؟

__سئ وانندگ په رون چیزیکه دیما شه جُستان گشتک بوت یکواردگه شه

بر بگشیت.

__شه ای گالان **آپ و هوا- روزی- مال- بنیاد** به جالگی جملانی اورکین جاگهان

بلکت.

۱- امی وطنی حاک، _____ په کشت وکشاراجوان انت.

۲- گون کشت وکشاری برو حاصلانی گیش بوتنا مردمی _____ و _____

بازه بیت.

۳- کشت وکشار ترخی و دیما روگی _____ زانتگه بیت.

تیر ماهی موسم

مخسد:

واندگ بوانت، بلکنت تیر ماهی موسما درست کنت. وای موسمی ماهانی ناما بزانت.



جُست:

- ۱- تیر ماه سالی چتیمی موسم انت؟
- ۲- تیر ماهی سه ماه گجام انت؟
- ۳- به تیر ماهها در چکانی بلگ چونه بنت؟

تیر ماه سالی سومی موسم انت. (میزان، عقرب و قوس) تیر ماهی موسمی ماهانی نام انت. به تیر ماهی موسما در چکانی بلگ زرده بنت ورچنت. کرا کرا هوا یخه بیت به تیر ماهی موسما روچ کرا کرا گونپ وشپ تچکه بنت. به ای موسما گوات ولورودیه بیت و مردم به سردی هوش وزمستانی آیگی پکرا بنت وپه وتی زمستانا که تیر ماهی پدی موسم انت ضرورتی وپی چیزانا چونیت، لپ ودار، آرت وروگن، پوشاک وبردیک بر بیره کنت بالی مرگ گون باگ ودر چکانی بلگانی ریتابه دگه جاگی روگی پکرا بنت و به گرمین جاهان رونت.

به تیر ماهی موسما درختانی سبزی زیان و بلگانی رنگ زرده بیت. مردم تیرماها زمستانی کاسده شنت پمیشا کوششه کنت که به ای موسما وتی کارانا په شری در برنت. بزگروتی ډگارا تیر ماهین شومه جنت.

بلگانی ریتن

سبزی باگانی تباه بوت	باز موسم تیرماه بوت
سردین موسم آیگا انت	گوات سردین کشگا انت
بلگ ریتنت خووار وزار	درخت بوتنت زرد وزار
گواتی دیما تچان انت	سبزوزردین بلگ رچان انت
بلبل انت زارو پریشان	
کیت پدا سیائین زمستان	

عزیزین واننده گان!

- ای سبخی نوکین گالانا سیایگ کنت.
- دو وانندگ په رون نوکین سبغا بوانیت.
- سبغا کراری بوانت وای گالانی ضدا شه بتی ودی کنت.

زو زو

گرمیی

روچ

- پنچ ډل بیت و هر ډلی وانندگ په تیرماهی موسم و آیی هوای باروا گون وت هبر بدیت وشه هر ډلی یک وانندگی چیزیکه په تیرماهی بارواشه ای سبغا زرته په دگران بگشیت.

- سئ وانندگ ای سبخئ یک یک بارا په برزین تواری بوانیت
- بلگانی ریتنی شیر اشه بر بکنت.
- چیزیکه انون گشتگه بیت په شری بلکت و جائیکه لازم انت تَک، کا مه، سوالیه و ندائیه علامها نابلت
- - شه جالگئی ماهان، تیرماهی موسمی ماهانی ایشک و آشکا خط بگرت.

عقرب	حمل
قوس	ثور
جدی	جوزا
دلو	سرطان
حوت	اسد
	سنبله
	میزان

تیرماه

- جالگئی جُستانی پسوا ودی بکنت.
۱. مردم به تیرماهی موسما چیه کننت؟
 ۲. بالی مرگ گون درختانی بلگانی ریتنا چیی پکرا بنت؟

گسویین کار:

هر گجامی شه شما بلگانی ریتنی شیرا به وتی کتابچهان بلکت.

- چیزیکه انون گشتگه بیت په جوانی بشکنت ورندا جُستانی پسوا بگشت.

۱. بالی مرگ کدی به درچکی باشله سرانشت؟

۲. درچک مرگا چی گشت؟

۳. مرگ چی گشت؟

۴. پدوارگ درچک چی گشت؟

- سی وانندگ په رون چیزیکه دیماشه جُستان گشتگ بوت یکواردگه شه برېگشیت.

- په ای گالان یک یک جمله بلکت.

تیرماه

کراکرا

گوات و لوړ

بلگ

بالی مرگ

- سېخی بنیاد یین بزانتا «تیرماه سالی سومی موسم انت. به ای موسما درچکانی بلگ

زرده بنت ورچنت. کراکرا هوا یخه بیت» په رون په برزین تواری بوانت.

هوایین ترانسپورت

مخسد:

- واندگ بوانت و بلکنت.
- هوایین ترانسپورتی باروا معلومات ودی کنت.
- سوجین صفتانا بزانت.



جُست:

- به برزگی عکسا چیا گندت؟
- گجام یکی شه شما شه هوای راها جای شتگت؟
- هوایین ترانسپورت شه ډگار یین ترانسپورتا چه گهتری داریت؟

هوایین ترانسپورت هما وسیله انت که گون آوان انسان شه یک جاگها به دگه جاگی رونت و کاینت و ضرورتی وړی چیزانا برنت و کارنت. و هدی که انسان بالی گرابا جوړ کرتنت شه هوای راها شوتن و آتنی رساک ودی بوت. انسان په باز آسانی به کمین وهدی جائیکه لوپتگ بیت شتگ و آتگه کنت و چیزیکه لوپتگ بیت به هر جاگی دیم داتگه کنت.

دیمی وهدان که هوایین ترانسپورت نه ات. انسان په جای شتنا چنت روچ ، هپتگ وماها گوازينتنت. بلی گون هوا یین ترانسپورتا مچین سکی و سوری شه میا نجینا زرتگ بوته ای وسیله دورین راههانا آنکر نزیك كرته كه به لهتین ساعت و دقیقان شه يك جاگی به دگه هندی شتگ و آتگه بیت و بازین چیزی برتگ و آورتگه بیت. وسیله ایكه شه آوان به هوایین ترانسپورتا کارگپتگه بیت . بالی گراب، بالون و جوړ كرتگین ماه و دگه انت گون و هده و وختی گوزگ و علم وزانگی دیما روگا به ای بارا باز آسانی و دی بوتگیت.

عزیزین واننده گان!

- ای سبخئ نوکین گالانا سیایگ بکنت.
- دو وانندگ په رون نوکین سبخا بوانیت.
- پنچ دل بیت و هرډلی وانندگ په هوایین ترانسپورتي پیدگ و کتاگون وت هبربدیت.
- گجام یکی شه ای وسیلان په انسانانی شوتن و آتنا شه يك هندی به دگه جاگی جوان انت آیرا و دی ورندا به ایشك و آشکی خطی بگرت.

زوت وپه آسانی سفر کرتگه کنت.

اشترا
اسپا
بالی گرابا
موټرا
پادان

انسان گون

- سئ وانندگ ای سبخئ یک یک بارا په برزین تواری بوانیت

- سوجین صفت:

جُست (سوج) ی آکلیمه که دیماشه ناما به سوجین جملا کاینت و پسویش صفت انت. سوجین صفت گشتگه بنت چو: چون، چه وړی، چه ډولی و دگه. درورو مثال. چونین

کتاب: کتو کین کتاب

چونین مردم: جوانین مردم، گندگین مردم

چونین سفر: جوانین سفر

چه ډولی موټر: نو کین موټر

انون دو وانندگ

اولی په چونین کوټگ

دومی په چی رنگی سییئ

باروا پسو بدینت که به هردو آن صفت بئیت.

- چیزیکه انون گشتگه بیت په جوانی بلکت و جائیکه زانت ټک، کامه، سوالیه؟ و ندائیښه (:) علامها نابلت.

- سئ وانندگ په رون یکی په سفر گون بالی گرابا، دومی سفر گون موټرا و سومی په سفر گون اشری باروا چیزیکه زانت په وتی همراهان بگشیت

- چنت وسیلی ناما بگشت که به هواین ترانسپورتاشه آوان کارگیتگه بیت.

گسویین کار:

په هواین ترانسپورتئ باروا هرگجامی چارکشک به وتی کتابچهان بلکت.

- چیزیکه انون گشتگه بیت په جوانی بشکنت ورندا جُستانی پسوا بگشت.
- ۱- جولایگ چه کاسی دارنت؟
 - ۲- جولایگ شه چیا تکره گوپنت؟
 - ۳- په تکرې گوپکا شه چیا کارگپتگه بیت؟
 - ۴- شما به وتی هلک یادگه هلکان جولایگی دیستگت؟
 - ۵- بیدی جولایگا تکر گون چیا گوپتگه بنت؟
 - ۶- تکرې گوپگی کارخانې پیداورباز انت یا جولایگی؟
- سئ وانندگ په رون چیزیکه دیماشه جُستان گشتگ بوت یکوارشه برېگشیت.
- گون ای گالان جمله جوړبه وتی کتابچهان بلکت.

هوايین سفر

شتن و آتن

- سئ وانندگ سېخی بنیادین بزانتا «هوايین ترانسپورت هما وسیله انت که گون آوان انسان شه یک جاگه به دگه جاگی رونت وکانت و ضرورتی وړی چیزانا برنت و کارنت» په رون په برزین تواری بوانت.

ماسیین زوان

مخسد:

واندگ بوانت و بلکت.

ماسیین زوانی باروا معلومات و دی کنت.

جست:

- کئی گشیت به گجام زوانا هبره دیت؟

- کئی گشتگه کنت شمی ماسیین زوان چی انت؟

- بیدایشی که هبره دیت به وتی ماسیین زوانا لکتگ وونتگه کنت؟

به کسانى و گوندیکی وهدا اولی چیزیکه گوندین زاگ هیله زورنت ماسیین زوان انت ماسیین زوان گوندهوا واک دنت که گون وتی گسی مردمان هبردنت و آوانی هبرانا سر پدبیت.

اما گون زوانا گون وتی ماس، پس، براس ودگه نزیک ووتی هم صنف و معلمان هبره دین و باز چیز اناشه آوان کوشکنن و هیله زورن شه وطنی اساسیین قانونی (۱۶) مادئ دیما په وطنی زوانانی وودودیما روگا کتوکین گام گیج بدیما گیتگ بوته پمیشا په بلوچین وانندگان هم به مکتبان به آوانی ماسیین زوانا وندن و لکتئی رساک بریر بوتگیت. بلوچی زوان هم شه راست به چپی نیمگا لکتگ و وانگه بیت پمیشا ای زوانی الفبا دگه زوانانی الفبای ورا انت بلی کمین توپیری به آیی دیستگه بیت شما به اول، دوم و سوم صنفان گون بلوچی زوانی الفبای حرف و گالان موتگ بوت حرفانا درست کرت که حرف هما علامه انت که شه آوان کلیمه و شه گالان جمله جوړ کرتگه بنت و انون ای وساودی کرتگت که به وتی ماسیین زوانا چیزی بوانت و بلکت.

په وائنن و لکتنا باز کوشست بکنت هرچنکس گيشتر بوانت و بلکت گون وتی زوانا گيشتر بلده بیت. همیکه یکی وائیت آدگه بشکنت، په زوانی هیل زرتنا باز پیدگ داریت.

په زوان ودود وربیدگی ود و دیم روگا وانگ ولیکگ مزین تاثیر داریت پمیشا باید به وتی زوانی وانگ و لیکگ و هیرداتنا باز دلگوش بکنن.

عزیزین واندده گان!

- ای سبخی نوکین گالانا سیایگ بکنت
- دو واندگ په رون نوکین سبخابوانیت.
- ای نیمگین جملا به وتی کتاچهان بلکت به جملی جالگاسی کلیمه دیستگه بیت که اگه یکی شه آوان گچین بیت جملا پوره کنت. آ کلیمه ودی بکنت.
- به گونډ کیی وهدا اولی چیزیکه..... هیله زورنت ماسیین زوان انت.

۱- ورنه

۲- گونډین زاگ

۳- مزین

- پنچ ډل بیت و هر ډلی واندگ شه ای گالان په جملانی اورکین جاگهان گچین ورنده په رون په وتی هم صنفان بگشت.

کلیمه جمله زوانا لکتن و وائنن نکل و آسمانک

- ۱- شه حرفان _____ جوړ کرتگه بیت.
- ۲- شه گالان _____ جوړ کرتگه بیت.
- ۳- واندگ باید به وتی ماسیین _____ بلکت و بوانت.
- ۴- به ماسیین زوانا _____ زوانا پرواکه کنت.
- ۵- شما کوشست بکنت که _____ بلکت و بوانت.



- سی وانندگ ای سبخی یک یک بارا په رون په برزین تواری بوانیت.
- چیزیکه انون گشتگه بیت په جوانی بلکت و جائیکه زانت ټک کامه، سوالیه و ندائییه
بلیت
- جالگا کلیمه بی ډول انت آوانا په ډول بلیت و جمله جوړ بکنت.
- زوانا گون وتی ماس و پس اما گون براس و دگه نزیک و وتی هیره دین و معلمان و هم
صنف.
- مدت:
- اگه جوړ کرتگ نه کرت ای کیشکا بوانت.
- اما گون زوانا گون وتی ماس، پس، براس و دگه نزیک ووتی، هم صنف و معلمان هیره
دین.

گسویین کار:



ای سبخا به وتی کتابچهان بلکت و په وتی کهولئ باسکان بوانت.

- چیزیکه انون گشتگه بیت په جوانی بشکنت ورنډا جُستانی پساو بگشت.

جُست:

- ۱- ډموکراسی چیاشت؟
- ۲- ډموکراسی نظام به چیی سرا اوشتاته؟
- ۳- بییاکی ووت سریا آزاتی گشتگه کنن؟
- ۴- مردمگری چیاشت؟
- ۵- به ډموکراسیا گجام آزاتی انت؟
- سی واندگ په رون چیزیکه دیماشه جُستان او شکنت شه بریکواردگه بگشت.
- په ای گالان جمله جوړ بکنت.

- ماسیین

- واک

- گون زوانا

- کوشکن

- په وطنی

- بلوچین واندگ

- سبخی بنیادین بزانتا «به کسانې وگونډکی وهدا اولی چیزیکه گونډین زاگ هیله زورنت ماسیین زوان انت» په رون په برزین تواری بوانت.

مخدرين چيز

مخسد:

- واندگ بوانت و بلکنت. شه مخدرين چيزاني تاواناسي بنت.
- مخدرين چيزاني عملي گندگيا بزانت.



جست:

- ۱- مخدرين چيز گجام انت؟
- ۲- شه چليم، سيگار و چرسا په عمليا چه وديه بيت؟
- ۳- پچی مردم شه ترياکي و عمليان بده برنت؟
- ۴- شراب په مردما چه تاوانه رسينيت؟

پوډر (هيروئين) چرس، سيگار کشتن و نسوار پوک داتن و شرابي وارتن که انسانا به نشيبارت مخدرين چيز گشگه بنت. ايشاني کشتن، پوک داتن و وارتن په انسانا سک تاوان داريت.

مخدرین چیزانی عملی وت وتی زندگیا خرابه کننت. گون ناجوریان دیم دیمه بنت شه
چلیم و سیگاری کشتنا په مردما نفس تنکی و دیه بیت و عملیانی دپ گندگین بوی دنت
دنتاش خرابه بنت و اشتیاش زیانه بیت.

شه هیرویین و تریاکی کشتنا مردمی رنگ زرد و خرابه بیت و ای عملیانی زند تال و
شورانت، روچ په روچ لاگره بنت، کاری وسانه دارنت، په وتی عملی و دی کرتنا هر
رازی جرمی تسره کننت.

یکی دگه شه مخدرین چیزان که بنیادمی پکر و دماغا بی واک و توک ووجودا خرابه
کنت شراب انت شرابی وارتن حرام انت.

عزیزین واندنگان!

- ای سبخی نوکین گالانا سیایگ بکنت.
- دو واندگ په رون نوکین سبخا بوانیت.
- وت و وتی مشترکین ضمیر انت به ای سبخا آوانا و دی و هما جملا که ای کلیمه به
آیی انت به وتی کتابچهان بلکت.
- پنچ دل بیت و هر دلی واندگ گون وت په مخدرین چیزانی گندگین تاثیر و
عملیانی بدین زندگی باروا هبربدیت.
- گون ای گالان جالگی نیمگین جملها نا پوره کنت.

- شه هیرویین

- په روچ

- جرمی

_____ و تریاکی کشتنا مردمی رنگ زردو خرابه بیت. ای عملیانی زند تال و
شورانت، روچ _____ لاگره بنت، کاری وسانه دارنت و په وتی عملی و دی
کرتنا هررازی _____ تسره کننت.



- سی وانندگ ای سبخی یک یک بارا په برزین تواری بوانیت.
 - جالگابی ډولین جملی انت - سی وار په جوانی بیتوار
 بوانت ورندا آیرا په ډول به وتی کتابچهان بلکت که پورهین مانای بدنت.
 مخدرین زندگیا عملی وت وتی چیزانی خرابه کنت.
 اکه لوټت بزانت که جوړ کرتگ کرتت یا نه ای کشکا راست بوانت.
 مخدرین چیزانی عملی وت وتی زندگیا خرابه کنت.

- چیزیکه انون گشتگه بیت په شری بلکت و ټک ، کامه ، سوالیه، و ندائیه علامهانا
 جائیکه لازم انت بلت.
 - شه ای سی پسوایکی راست انت آیراودی به وتی کتابچهان بلکت.
 ۱- مخدرین چیزانی عملی جوانین زندگي دارنت.
 ۲- مخدرین چیزانی عملیانی زند تال و شورانت کاری وسانه دارنت.
 ۳- مخدرین چیزانی عملی باز کاره کنت.



گسوپین کار:

هرگجای شه شما سی کشک به وتی کتابچهان په مخدرین چیرانی گندگین تاثیرا بلکت
 و دگه روچی په وتی هم صنفان بوانت.

- چیزیکه انون گشتگه بیت په شری بشکنت ورندا جُستانی پَسوا بگشت

جست:

- ۱- گاجیان چونین وانندگی ات؟
- ۲- گاجیان شه شیواری و کوشستا به چیارست؟
- ۳- جنگیان گون کی همراه بوت؟
- ۴- چی جنگیانا زردو لاگر کرت؟
- ۵- دمیکه گاجیان جنگیانا ناجور، زرد و لاگر دیست چی گشت؟
- ۶- کی جنگیانا به ای حالا رسینت؟
- سی وانندگ په رون چیزیکه دیما شه جُستان اوشکت شه بر بگشیت.
- گون ای گالان جمله جوړ کنت.

مخدرین چیز

نشیه

هیروین

- سی وانندگ سبخی بنیادین بزانتا «پوډر(هیروین)»، چرس، سیگار کشتن و نسوار پوک داتن و شرابی وارتن که انسانا به نشیابارت مخدرین چیز گشتگه بنت. ایشانی کشتن پوک داتن و وارتن په انسانا سک تاوان داریت» په رون په برزین تواری بوانت.

بزانت بلد

گال	مانا	گال	مانا
درستی	بلد	دیمونی	قربانی
سدڪ و باور	عقیده	رادگن	دیمارون
زوال بوتن	مرتن	شان	سربرزی و عزت
ناکو	پسی براس یاماسی براس	سگار	زهم و کاتار
بروڪٽ	حاصل	استمان	مخلوڪ
منع	دیمگیری	لکتن	نېشته کرتن
جورینتنت	پازابه کرتنت	پیدگ	نپ
اڙ	ناچار	تهی	داخلی
پیری	صد سال، یک قرن	پسو	جواب
ڍل	گروپ	سون	نیمگ، دیم
جُست	سوج	درا	معلوم، پیدا
جاندومی	دوزوخ	کوڍوا	دنیا، جهان
کدر	رو	کاروکرد	فعالیت
ترخی	دیماروگ	سربادیوکی	مہانگی
واہگ	امیت	تل و توکا	تھا
دیار	جاگہ و ہند	سرجم	مُچ، یگجا، پورہ
پٽ	گیابان	گس	لوگ
زهم	کاتار	گسوین	لوگین

ڳال	مانا	ڳال	مانا
مڙا	باتر	سروارا	اولسرا
ازم	موڪل، رساڪ	سوب	ڪاميابي
مين	به گلي تهابند متن	بوجت	پوره ڪرت
بوجنت	پوره ڪنت	وڊوڊي	راز رازي
سرو پاسر داشتن	چاري چيرا داشتن	عمرى گوازينتگن	بازين سال گوازينتگن
دربرتن	تسر ڪرتن، ديمابرتن	سوگ	غم
بي توري	سڪي، ظلم	خپه	ناوش، زار
يله	پاچ	درچڪ	درخت
دپ بستگ	بي زوان، مال، حيوان	اولسين	مردمين
ڪرزيت	ڪدر داريت	لبنانڪ	ادبيات
ٽڪ	(.)	دراڪنوڪ	نشان ديوك
ڪامه	(،)	غوٽ	پوره
ندائيه	(!)	پٽ و پول ڪرتن	شه وٽ ڪرتن، معلوم ڪرتن
سواليه	(؟)	گشوڪ	هبرديوك
ليس	پچ و پوش	حُب	مهر، دوستي
جدي	هجرى شمسي ڏهه ماه	درور	مثال
دانگ و توشگ	ورگين چيز	راهي دراجي	راهي ڪشا
لوتين	حشڪ و بي آپين	پجارتن	بلد بوتن
ماري	سواريي اشتر	گره اسپ	اسپي گرگ
ليڙه	نرين اشتر	شور آوگ	سروتوار

ڳال	مانا	ڳال	مانا
دوار	نڀاڊ	زنڀڀ	ڀٽن، پُر گور
ميش	ماد گين پس	سُم	اسڀي پاڊي سَم
بگاني	بازين اشتراني	سنڀ	نول
چولين	حشڪ و بي آڀين	سوک	به ڪشاري وختارديت
لڄ پال	ننگ پال	ڀيٽ	گندگ گشتن
داب	ڇول، دود	مودگ	غم وسوگي گريوگ
چڪاس	آزمايگ	لڀوڀار	به دگه جاگي لڀرن
غڊي ڪرتن	آڀي اندازه ڪرتن	تڀاڪ	يڪويي يڪجايي
هم زات	هم سن	نڀاڪ	دوري، جتايي
سري پاڇ آورتن	وتراسرڀڊ ڪرتن	زنگ و آه	نالگ و ڪوڪار
پا	آسر، نتيجه	واجه ڪار	واز دار، ڪاري اختيار دارو مزن .
شومان	پشيمان	ڪڪرڀوٽن	گون نا پاڪيالوڀوٽن
ناخست	خراب	ڪڪر	ڪڇڀ
بارين	مگه	گونڀ	ڪسان
ڇُلوڪ	ڪسانين ماهي	گونڀين	ڪسانين
رود	تڇوڪين آڀ	ڀنت	سوگه
تڇڪي	دراجي	اي واري	اي گشتي
جور دار	زهر دارد	عدل	بربري
دستري	واڪ ووس	مرد مگري	نيڪين رويه

گال	مانا	گال	مانا
کُرک	مالانی مودی چیری پُت	وږ	لايک
رستر	دد درنده	وږ	ډول
کلونډ	مُرگانی ساتنی جاگه	پوه وسرپد	زانوک، زانا
گسويين حيوان	هماحيوان که گون انسانا موتگه بنت	آگده دار	ذمه وار، مسول
خو	عادت، هيل گپتن	ديم ديگرا	روچی ديگرا
هيل زرتن	يات گپتن، بلد بوتن	کت و باس	باس و هبر
گچين	درگپتن	مدت	دستگیری، کمک
گپ	مشکول	مکران	به بلوچستانا جاگی نام انت
هتیار	سليح	سراوک	کئومی مزن
وتی و سیاد	نزيک و سیاد	پرزند	زاگ، بچ
پاس	وخت ووهده	ډاک	خط و کاگدانی بروک
کلا زوری	وشين حالی داتن	سره ين درجه	برزين درجه
ډکالی	نيسگاری، ناداری	رچان	ریتني
تچان	رادگ	ترانسپورت	روگ و آيگ و برگ و آرگی وسیله
هندي	جاگی	هيل زرتن	يات گپتن
آسمانک	نکل، داستان	تال و شور	خراب، گندگ
رخت	تچک و مزنین لتي که لنگاری تیش به آیی مان آورتگه بیت .		
جُغ	لتيکه به لنگاری جفتی گوکانی کوپگا مان آورتگه بیت.		

ڳال	مانا	ڳال	مانا
مالڱ	تڇڪين پُرگورين لٽي ڪه رنداشه لنگارا ڪشتگين ڀڳاري سرا برتڱه ٻيٽ.		
عملي	ڪسيڪه گون وارتني و ڪشتنين ڇيزا خوبگيت.		
بالون	هُڀوڪ، مزين پيلڪي ڪه به تهى گيسه ڪنت ڪه به هوا بروت.		

بن چمڱ

- بلوچيئ زوان راهبند، ع. پهوال ۱.۱. ج علومى اڪادمى هجرى شمسيى ۱۳۶۲ سال.
- بلوچيئ متل ڳالوار. نزار و پولڪار ولى محمد رخشانى.
- بلوچيئ ڳالبنڊ، ع. پهوال.
- سيد گنج "سيد هاشمى".
- براهدارين پل شه بلوچيئ لبزانڪئ باڳا. ع. پهوال هجرى شمسيى ۱۳۶۶ سال.
- بلوچى بوانين عبدالڪريم "راجى".

معارفی ترانه

پادیت مزن و گوند په نپ و کار معارف
آبات بساقت درو دیوار معارف
بترا کینت دلانا بکنت خون جگرانا
شاداب بساقت گل و گلزار معارف
خون بنت دل و کپ جگر و چم بنت کور
باکی نی که سبز مانیت چمن زار معارف
ما علمی گنوک و ادبی اشخی جنوکن
پروا، نه انت ما را چه شنزار معارف
پروانه سپت هستن و پروانه ډولا
سوچن پروبالا ناگون نار معارف
ما تنگ و گپ هشک و هینار زوانن
کورن پما چمگ و ابشار معارف
اپسوز که هست "سرمچار" یک نیسی ترا
کمنت که بکني ندر بدر بار معارف